

創修密雲縣志序

嘗聞邑之有志猶國之有史余謂
邑之有志猶家之有籍也夫有家
者其先斤斤而作之門戶旣詳明
於冊契簿記而復附之以訓言其
纖至於土田工作服食器用靡不
畢具以爲一家之文獻俾繼世者

恃以不墜焉余嘗讀周禮竊見載
紀六官之職自三公六卿大夫三
士下逮洒醬之屬卑官細事宛如
有家之籍彼誠以家視天下矣爲
政者誠欲知民性以制寬猛之宜
究地利以經出入之法察俗尙以
節豐儉之中與夫建置沿革之因

時名宦鄉賢之代作足以示勸戒
明好惡者則其稱名也博其爲類
也願欲施爲注措動中肯綮其爲
術也則莫要於志故志之爲道切
於民生益於治理以佐國家之乂
安者詎細故哉余始筮仕寶坻僻
處海隅地磽而賦薄民瘠而役輕

以予之謫庸亦甚安之無何當事
者不知余之不類移置檀雲其地
其民視寶坻益磽瘠而賦役反倍
之怒焉如擣將何以療此耶乃集
檀諸父老諮以風俗田土山川人
物以及興廢利弊移日而茫無以
應及詢邑志尙闕焉有待噫將何

恃以爲治理耶乃白之監司謀之
同案於是周咨延訪得邑人祝氏
所輯略而未成者敬延太學及諸
弟子員有良史才者列館興事復
諏訪於老師後生所傳聞檢括簿
書圖籍所記載蒐遺闡隱芟蕪訂
僞以成帙編成予喜檀之周禮其

在是乎夫由萬曆戊寅遡國初二
百餘年間其山川之形勝賦役之
增損人物之臧否與夫關城戍卒
之建置靡不並蓄兼收纖細罔遺
如居室者之有籍一展卷而衣食
俯仰之計燦然在目矣不惟後之
爲審者有所考鏡有所依據卽觀

風而至者凡民瘼疾苦地方利弊
悉可一覽豁然矣其裨於國者誠
鉅豈直一家之籍而已哉
康熙拾貳年歲在癸丑謹錄前
賜進士第文林郎知密雲縣事知縣
諸城張世則謨

重修密雲縣志序

考周制職方氏掌天下圖籍外史掌邦國志小史掌四方志其疆域人物風俗不啻詳焉漢唐以降皆倣周制而爲之我

大清車書一統

詔郡縣修纂地志著爲凡例視前代

爲益詳蓋土地人民政事邦國所寶而識大識小不如是不足以有傳也考古檀夏禹屬幽州秦漢爲漁陽後漢爲安州迨後改屬不一志亦無聞自萬曆戊寅諸城張君來宰茲土謂國有史家有譜而邑詎可無志於是周諮延訪得邑人

祝司寇所輯略而未就者復加考訂遂以成軼相沿玖拾柒年其原梓模糊錯落篇內多淆謬繁缺文獻無徵守土者責將焉辭於癸丑孟夏謀於太學暨諸弟子員考訂事實疏類分門始於天文繼以地理終以人事凡爲綱者三爲目者

拾有捌閱兩月乃克就緒前所謂淆者清謬者正缺者備繁者簡也書成將授諸梓余謂上古九州之史墳典之書禹貢職方之載以及司馬遷班孟堅范蔚宗輩諸家之史暨

國朝一統志無非據事紀實以立天


下後世之公論也而豈徒哉檀雲
名山大川爲冀北最且兼鄒大夫
之過化竇諫議之遺風其堪採錄
者固不乏人也然歷世久則人物
盛衰丁口繁耗貢賦增損與夫吏
宦得失風俗醇漓之類不於此焉
稽之孰從而知之此志之所以不

容已也志以紀實而或淆謬繁缺
焉安在其爲志耶余不文特因其
事覈其實求無媿於公論已爾奚
容心哉他日觀風者採焉未必不
以余言爲千慮之得也是爲序

嘗

康熙拾貳年歲在癸丑季夏穀旦

賜進士第文林郎知密雲縣事知縣
晉陽趙弘化謹撰



密雲縣志例

一密雲僻處山陬其地瘠其民貧其風朴略似不得與巖邑名郡者比惟我

國家武功誕敷車書一統尺地莫非其土一民莫非其臣十室之邑尚有忠信詎謂葢爾提封輒無足採錄者敢以邊鄙荒地而遽少之邪是不可無志謹就達帙所載者踵其事而續之

一分野懸象著明諸志家咸列之首簡獨於葢祥則殿於末夫葢祥者天以儆戒人主亦國家之變徵夫安可獨後也今以置分野之下總繫曰天文以謹天戒

密雲縣志

例

察民時也

一山川疆域城隍凡涉於地理者咸比其類而載之或形似之少有宜入者則附見焉不瑣瑣析門以便檢閱

一戶口田賦軍政選舉皆待其人而後行者總以人事貫之諸雜著所不可廢者不妨續於末簡

一志爲縣作故於縣事獨詳凡有概徵於鄰封者多略焉非闕文也

一密雲分在邊陲間稱葢爾先年割四里以屬懷柔而陵園之榛地日見浸淫以是封境日蹙生齒日消將

來安知其所底極乎姑以其不絕之綫銖毛識之俾觀風者有恢拓之思焉

一山川據一統志外有可稱載者皆附之至如黍谷山屬懷柔呼奴山屬順義顧其奇勝之跡界在兩間不得不書之以備觀覽

一縣志以順天府總冊爲準其有因時增損或昔有而今無或今有而昔無者皆備載之俾採風者有所考焉

一舊祥舊志止載近事今自宋元始稍爲查輯至明嘉靖以前皆無所稽焉文獻不足故也

一本城官職止載古今爲刺史縣令者其行部之有功業及今督撫監司諸名卿豈敢略焉要之有清志及國史邊乘在非一邑所能掠美也故不列

一名宦鄉賢孝義節烈何代無之但密志修於萬曆戊寅迄今九十七年之間其可採錄者固不乏人或事有可疑跡無實據非出於輿論鄉評所共爲嘉興者不敢濫及

一藝文之載以其有關於封域民情非事雕虫而恣膾炙也故一切無益之言悉爲刪落其雖有所係而言之無文者亦止書其略云某有著而已不竟其詳以

爲楮素災焉

密雲縣志

列

密雲縣志目次

卷之一

大文志

分野

卷之二

舊祥

卷之三

地理志

疆域

形勝

密雲縣志

目次

卷之四

山川

物產

附穀類

花類

菓類

草類

樹木

草類

藥類

卷之五

城隍

附集市

鄉村

中衛屯所

一
景致

卷之六

部署

舖舍

卷之七

壇壝

邑名

卷之八

古蹟 附陵墓

卷之九

人事志

賦役 附稅課 驛傳

密雲縣志

目錄

密雲中節

卷之十

學校 武學 書院 學田

卷之十一

建置 附風俗

卷之十二

兵制

卷之十三

官師

卷之十四

選舉 附歲貢

卷之十五

名宦

卷之十六

鄉賢

卷之十七

仙釋

卷之十八

藝文

密雲縣志

目次

三

密雲縣志目次


密雲縣疆域圖序


自古帝王畫野分州建侯樹屏各有封疆以明職守
秦置郡縣歷代因之其制遂不可易云密雲去

神京者僅百餘里西接懷順東連平薊南底洵陽而隸屬
不一惟按圖經則幅員可悉矣至於分野形勝山川
城郭部署市鎮莫不具載毋亦先王稽天文察地理
輯人和之遺意歟觀風者考鏡是篇一方輿地靡不
犁然在目矣


密雲縣志

圖序





新城



教場

文書祠

功德祠


東

客雲縣志

三

圖

北



倉庫


西

縣署

縣署

縣台


北



客雲縣志


四

圖



西

圖



重修密雲縣志姓氏

督理密雲糧餉事務戶部清吏司郎中戴 燿 督修

整飭密雲提刑按察司副使兵備道劉效祖 督修

賜進士第文林郎知密雲縣事知縣張世則 纂修

賜進士第文林郎刑部清吏司主事祝文冕 纂修

大學 生王良卿 編修

生 員蔡 鎰 蕭文舉

陶 鎔 李 峻

杜學書 解文瀚

孫重光 徐紹美

密雲縣志

姓氏

二

賀文魁 王慎言

龔先進

密雲自漢唐來其邑爲郡爲州爲軍爲縣名屢易而邑志尙闕自諸城張君來宰茲土以爲有縣不可無志是時兵憲劉公計部戴公適有同心訪得邑人祝司寇所輯略而未成者復與太學暨諸生輩詳加纂輯成帙今雖重修翻刻不過踵事加詳而前人創始之功不可沒也謹錄姓氏於左

密雲縣志

撫屬督修官階姓氏

欽差撫直隸處地方官轉報刑部關通糧餉都察院右副都御史蔣德麟

欽差管理直隸錢穀副使加一級 丁思孔廣東人

欽差管理直隸刑名兼理驛傳事務巡道 董憲忠天津人

欽差整頓刑部官庫處事署理驛傳糧餉事務巡道 蔣德麟天津人

昌平州知州 吳邦彥

密雲縣知縣 趙弘化山西人

姓氏

三

二

一

容雲縣誌

順天府督修官階姓氏

府 尹 馬 汝 驥 遼東人

府 丞 崔 判 官 遼東人

治 中 衛 台 樊 山西人

糧 馬 判 王 瑕 瑜 陝西人

容雲縣誌

卷五

重修密雲縣志卷之一

欽差鑄印處鑄印傳糧餉事務按察司參事加級耿繼先 監修

文林郎密雲縣知縣趙弘化 重集

恩 貢 生王廷棟

較閱

貢 監 生杜一琳

王天任

生

員向時鳴恭叅訂

孔法祖

天文志

分野

審雲縣志

卷之一

一

周官保章氏以星土辨九州之地所封卦域各有
分星裁祥所應如執左券參觀陰陽仰觀俯察亦
理之可信者或以為左氏援天誣民其言不雅馴
周易有言在天成象在地成形此又何稱焉志分
野

註云燕幽地古冀州域屬箕尾之分在寅尾四度

至斗六度謂之析木之次

漢蘇竟云尾為燕分當燕之東隅

爾雅云析木謂之津箕斗之間漢津也釋者為天

漢之津梁燕之分星幽之分土也

冷鳩州曰如燕在北而配以東之析木晉書云尾箕幽燕也自尾十度至南斗十一度爲析木於辰在寅燕之分野屬幽州陳卓云漁陽尾三度費直云起尾九度蔡邕云起尾四度

山堂考索云尾箕星曰析木宮曰人馬時曰寅州曰幽唐書云尾箕析木津也初尾七度餘六千七百五十秒中箕五度終南斗八度應上谷漁陽等郡宋書云以五車在畢宿北東北一星曰天獄主燕趙之分又云中臺下星主冀

自開闢以來分野迄有定位至其起止度數談者間有弗齊豈其精微之理遽難推測或亦運行離次而五行六氣間有主施者邪安得明中之士起而正之

密雲縣志卷之二

天文志

蓄祥

天人感應之理至微而顯也至細而鉅也至遠而邇也匡衡謂天人之際精祲有以相盪夫精祲者陰陽之氣漸侵以成災祥也衡究心天人之學所言必不諄使有封疆之責者知微之顯知細之巨知遠之近而銜恤無婁驕卽堯之水湯之旱其於治理奚侵戎哉志蓄祥

元至元七年四月隕霜

密雲縣志

卷之二

二十一年大水

至大二年六月蝗

二年五月蝻

延祐元年無雪

泰定二年五月大水 七月雨

三年七月河決

四年六月內大水

至順二年二月饑

查舊史蓄祥多云燕分之郊圻夫燕分則不止數里不敢獨指爲密雲也姑取元史數事明係

此地錄之如明自洪武至正德皆無載籍可稽
惟因志所載嘉靖以後者綴之以示存羊之意
云

嘉靖四年大水

十一年星隕如雨自東而西

二十年飛蝗蔽天食禾幾盡米價騰貴至斗百錢
二十九年三月內酉戌時黑氣亘天惡風大作廳
屋瓦走沙石至次日方息

七月三日戌時地震有聲自乾至巽

三十三年大雨經旬潮白二河漲衝塌城東南西

北二角魚鱉居人以千數

三十四年大饑米價十倍民多饑死者

三十五年大雨河漲如前 四月內冶山鳴

三十七年耗粒虫食禾稼

三十八年霖雨三月壞屋傷禾 十二月初一日

生兩珥皆背一載殃傷有雙戟斜插紅白亘天

二十三日火星乘犯木星離二十分

三十九年二月太白屢經天 七月飛蝗蔽天食

禾幾盡米價騰貴 八月四日夜星隕如雨

四十年春夏大旱兼有蝗蝻米價貴 八月十三

日火星逆行入羽林軍九十餘日 十二月十六
日月 有蝕之旣在柳宿

隆慶二年三月二十八日地震有聲自乾至翼

三年十一月一日卯時地震有聲自乾至翼

萬曆四年秋大霧傷棗

五年九月二十八日彗星見光芒燭天月餘始息

十五年大水南關廣濟橋衝決

四十三年二月初二日黃風大作黑霧蔽天晝冥
如晦

四十八年六七八月間旱魃爲虐草木盡枯賊盜

蜂起

天啓元年正月二十二日丙戌夜土星逆入井宿

二年四月二十日酉刻累月不雨陰風怒號雹如

雞子大着屋瓦磧俱碎草木禾稼毀折不可勝紀

崇禎十二年六月蝗蝻食禾幾盡 十三年大饑餓

殍徧野

十四年十二月二十七日軍譁燒毀官署民房

國朝

順治五年白河大水衝決堤壩 十年米價騰貴民

饑 十三年七月飛蝗蔽天八月蝻生

康熙七年六月十七日戌時地震如雷

七年七月初四日大雨如注至初八日止河水漲
溢衝塌北城一面舊禱之機實天人相爲桴鼓非
曼漈柴池以啓人之不足畏也顧有其象而無其
應或有其應而非所占者此在消弭未撥者能轉
移之耳不則宋景一言災或退舍豈好事者諧諧
然漂齒牙哉

密雲縣志卷之三

地里志

疆域

形勝附

檀州之地爲幽燕附庸漢唐擯爲遐陬趙宋未入
版圖至明始日漸充斥儼然稱左輔雄圖故於水
流山峙巨細必書用以表一邑之實焉耳志疆域
東西延袤一百五十里南北延袤約一百二十里

東至牆子嶺關界九十里

西至懷柔縣界二十里

南至三河縣界三十五里

東到薊州一百八十里

西到懷柔縣四十里

南到三河縣一百里

北到本縣白馬關一百里

東南到平谷縣九十里

西南到順義縣七十里

東北到密雲後衛一百里

卽古北口

西北到本縣大水峪三十里

至江寧府水路四十六驛三千二百五十四里

陸路四十四驛二千七百七十里

至京都二站一百三十里

石塘嶺關東自陳家谷口西抵開連口延袤二百四十七里屬下關寨二十二

白馬關○黃崖口○營城嶺○馮家谷○白崖谷

划車嶺○嚮水谷○左二關○西駝骨關○東駝

骨關○陳家谷○開連口○神堂谷○河坊口○

大水谷○小水谷○牛盆谷○白道谷○大良谷

東水谷○西石城○東石城

共計邊城二百四十七里附牆臺三座空心敵臺

三十九座嘉靖三十年至隆慶三年節次修建

古北口關東自盧家安西抵蚕房谷延袤一百四十

七里屬下關寨十六金國言謂古北口爲留幹嶺

師坡谷○龍王谷○磚垛子○沙嶺兒○丫髻山

司馬臺○鴉鵲安○盧家安○蠶房谷○陟道谷

弔馬谷○潮河七寨○潮河川關○潮河六寨○

潮河五寨○潮河一寨

共計邊城一百四十七里附牆臺一座空心敵臺

一百十一座嘉靖三十年至萬曆元年節次修建

曹家寨關東自小臺兒寨西至將軍臺寨延袤一百

三十五里屬下關寨二十二

將軍臺○栢嶺安○齊頭崖○梧桐安○扒頭
師姑谷○倒班嶺○大角谷○漢兒嶺關○水
谷○黑谷○烽臺谷○燒香谷○惡谷○南
谷○進橋谷○大虫谷○大水窪○蘇家谷○
姜毛谷○石塘谷○小臺兒

共計邊城一百六十四里空心敵臺五十八座
嘉靖三十年至萬曆元年節次修建

墻子嶺關東自魚子山西抵大黃崖口延袤二百三
十一里屬下關寨十一

鎮羅營○灰谷口○北水谷○南水谷○熊兒谷

齊雲集元

卷之三

三

魚子山○大黃崖○小黃崖○磨刀谷○黃門口

南谷

共計邊城一百四十五里空心敵臺十座
嘉靖三十年至萬曆元年節次修建

形勝

山雄峙水環遶

府志關塞諸山雄峙于西北渾河諸水環遶于東南

府之國

史記蘇秦說燕文侯曰燕地廣千里帶甲數十萬此天府之國也

一大都會

寰宇記箕星散爲幽州分爲燕國南通齊趙爲一大都會

博大爽塏

宋范鎮幽都賦地博大以爽塏兮亘繩直而砥平

地處雄要

金史梁襄傳燕都地處雄要北倚山險南壓區夏皆坐堂陛俯視庭宇又云居

庸古北松亭等關東西千里山
峻相連近在都畿易于拒守
形勝雄偉元木華黎傳幽燕之地龍蟠虎踞形勝
雄偉南控江淮北連朔漠駐驛之所非
燕不
可

余觀禹貢八州皆言疆域而冀州獨缺以八州所
至知冀疆矣且示王者無外意云凡郡縣有疆域
昉禹貢焉密雲縣西南至順義西至懷柔東南至
平谷北至石古二路亦云巨邑矣書曰申畫郊圻
慎固封守茲固畿輔內地也其亦四國所由康者
耶

密雲縣志卷之四

地里志

山川

山川肇域形勝宅居標而顯之所以述靈秀明環
奇也齊稱十二秦稱百二若檀雲擁跨三山襟帶
兩河亦庶幾近之其爲

神京股肱郡也宜哉爰倣山經禹貢志山川

密雲山

縣南十五里宋名橫山昔燕前趙攻段遼
自密雲山遣使求迎於趙旣而中悔復遣

使迎於燕趙遣麻狄迎之燕遣慕容
恪伏兵於此山太敗狄兵盡得遼衆

白檀山

縣南二十里山之陽嘗有白檀樹魏曹操
滅袁紹父子歷此破烏丸於柳城城在山

密雲縣志

卷之四

曲古柳州也癸巳上都諸王忽刺臺遊兵進逼南
城燕帖木兒及陽翟王太平國王朶羅臺等戰於
此山之東林殺太平死者蔽野戊戌諸將追河刺
帖木兒至紫荆園獲王送京師就誅禿滿帖木兒
復入古北口燕帖木兒引兵禦之大戰於檀州南
敗之其萬戶以兵萬人降禿滿帖木兒還遼東○
懷柔縣亦有檀子山在
縣東三十里或卽其處

黍谷山

縣南十五里亦名燕谷山劉向云燕有谷
地美而寒不生黍穀鄒衍吹律以溫其氣

衍廟臺猶存
今屬懷柔縣

銀冶山

縣南十五里一名
銀冶嶺舊出銀鑛

隗山

縣南三十里其下卽密雲故
縣○按唐書密雲止載此山

呼奴山

縣南五十里其下密雲中衛屯麓有慈濟
張真人祠舊傳漢鄧禹子訓與上谷太守
任興屯兵於此以防烏桓○按順義縣志載此山
云太縣二十五里舊有城又云訓開水田二千餘

頃今尙有存者

聖水山

縣南十里上有龍女廟下有龍泉寺山下出泉環抱而流今建有亭榭爲遊讌之勝

香徑山

縣東北出藁本雜香

冶山

縣東北八里上有磚塔及冶山院傍有石洞深遠不可測中有水四時不竭俗傳有

冶仙居其上時放仙燈

霧靈山

縣東北一百八十里今在塞外亦云孟廣峒其山高峻爲一邑諸山之冠上有雲峰寺中峰寺下峰寺今不存霧雲瀾漫四時不絕○余于萬曆四年初夏登此山直上四十里風雨生寒勢不可住足假一羊裘披之稍得眺覽聞山下有元時寺碣遺掾者錄之皆僧家白道語又聞寶

志公會卓錫山嶺瓦礫縱橫亦無碑記可考

觀鷄山

縣東北一百八十里上有觀雞仙人祠仙鷄寺西有觀鷄水飛仙峰

雲縣志

卷之四

二

清都山

縣東北五十里舊有清都觀傳爲仙人得道之所

五峰山

縣東北八十里亦名五指山聳列如指

平頂山

縣北三十里上有元太子寨

孤山

縣東南二十里獨立

駝骨山

縣北七十里

黑松山

縣北七十里元時有黑松林今無

鎚山

縣東七十里形如鎚

鐸山

縣東南一百里

柏山

縣北三十里竹松栢

陳宮山

縣東北一百八十里其上有土垠縣故址

神山

縣北十五里
下有水潭

清洞山

縣東北五十里中有仙洞
下有三教寺亦名三教山

馬頭山

縣北十五里
形如馬頭

鳳山

縣西北十五里下有石
佛寺元時建今址存

窟籠山

縣北一百里下有
一孔前後通明

鐵鑛山

縣東三十里元時炒
鐵於此永樂間革

火炎山

縣東北二
十五里

梯子嶺

縣東南十五里形如梯
相傳古顯公和尚開

天門山

縣南三十里
下有天門寺

龍門山

縣東六十里內有聖泉庵黃崖洞有泉突
出如瀑布聲如雷時有五色雲氣內有天

客雲縣志

卷之四

三

然石燈臺石
獅子跡尚存

四稜山

縣東北一百里
形如四稜故名

水峪山

縣西北四十
里有水泉

石盆峪

縣東北五十里有龍潭狀如石盆週百步
許水深無底水中東南有石門龍時見形

土人禱雨屢應有龍王殿成化年建
正德八年重修即石匣東南之龍潭

烏龍潭

縣西七十里水寒能殺虫
發禾遇旱土人祈澤焉

白河澗

縣東北八十里通古北口兩山壁
立一水抱縈蘇東坡過此有詩

白河

縣北二十里發源塞外白石塘嶺流經縣
西由懷柔順義入通州金遣餘離不花入

檀薊郭藥師迎戰
敗績即此河也

潮河

亦名濡河發源自興州界古北口西南流
經縣東南入順義至通州時作響如潮聲

○潮白二河常縣西南交會嘉靖三十二年潮河
决白河四十年决俱爲城害 總督劉公爲隄障
之今爲水衝决惜
後無爲民慮者

巨梁山 縣東北一百八十里發源在土
垠縣北經觀雞口亦謂觀鷄水

三河水 亦名金溝水發源自縣東北五十里
自共工城西南經星庄村入潮河

三城水 與石門水
合出桑溪

要水 亦名清水河發源關外三川流
經縣東北六十里入潮河

潞水 亦名沙河發源出自脫谷西北
流經縣東南二十五里入潮河

黑城川 縣北四十里平頂山後流入
潮河唐書載其地爲鎮遠軍

廣喇水 發源自縣東北一百八十里孟廣
喇山下西南流經縣東入潮河

金洞 縣東八里其洞深遠
難測元時淘金於此

客雲縣志

朱之目

目

銀洞 縣南二十里洪武十
四年分屬懷柔縣

仙洞 縣北三十里其中深
遠莫測內有天然白石
佛五尊五色石山一座
木橋橫澗下有

潺湲之聲
人莫敢渡

冶僊洞 縣東北二十里地名驚破羅形如石門
二扇推之不動聽之內有潺湲之聲

廣慧洞 縣西北二十五里鑿山開路
人俯躬而行內有三教祖

東智洞 縣北二十里半山中深
不可測聽之如石磬聲

渤海泉 縣東三十里湧如珠時有
雲氣故俗云渤海廟雲

道人溪 縣東北石盤谷發源龍
門流經縣西入潮河

鮑丘河 發源禦夷北塞經九庄嶺百餘里合道人
溪水至通州米庄村合沽水經三河縣入

鮑丘河 遼書密雲有乘溪鮑丘山桃花山螺山今
鮑丘河恐卽其山下經流處但不知乘溪是何處

或亦即道人溪

汝河發源石峨山經三河縣東南平谷縣故城入河

按天下輿圖凡首稱名山大川者豈止為險阻也哉亦惟名勝佳麗匪萃人文而卒乃藉人文以彰其靈異檀雲枕太行之勝層巒疊翠萬壑競奇慷慨悲歌之士往往見焉自鄒子吹律而陰陽以和山川益重倘所稱玉蘊珠藏者耶語云地靈人傑抑知人傑而地益靈

物產志附

穀類

容雲縣志

卷之四

五

穀各色黍各色稷二種稻大小蕎梁草

黍蜀秫豆各色粳米稗芝麻蘇子

麻子二種薏苡米

花類

菊各色千葉蓮粉紅紅白蓮葵各色石竹牡丹

丹紅白芍藥各色鷄冠紅白萱榴花八仙

山丹王簪二種碧桃丁香二色紫白扁竹

百日紅水紅金盞鳳仙各色薔薇十姊

妹珍珠葉落金錢玫瑰剪春月季

木樨六月菊迎春探春紫荊朝鮮杜

丹海棠

果類

榛 栗

梨

各色

櫻桃

桃

各色

核桃

柿

二種

杏

各種核有甜者佳

棗

小者佳

檳子

李

各種

菱

蓮

子

沙果

郁李

榴

蘋果

文光果

葡萄

葡萄

菜類

芥

葱

白菜

瓠

蒜

韭

芹

茄

葫蘆

蘿蔔

各種

莧

瓜

各種

木耳

蓼牙

茼蒿

蒿

苣

蔓菁

蕨

黃花

薄荷

香菜

龍牙

香椿

木類

松

栢

榆

煖木

柳

槐

檟

椿

桑

楊

楸

苦栗

橡

桐

櫟

柞

柘

檀

楮

草類

葦

荻

茅

蒿

艾

燕窩

蒲

藥類

芍藥

半夏

南星

瓜

婁

柴胡

桔梗

黃

芩

黃柏

黃連

地黃

蒔蘿

細辛

蒼朮

紫蘇

杏仁

黃精

川芎

烏頭

菖蒲

升

麻 玄參 苦參 葶藶 商陸 藜蘆 大

荆芥 狗脊 防風 紫草 茴香 木賊 地

龍 地丁 大戟 白欬 人參 土狗 浮萍

藁本 知母 遠志 班毛 茯苓 石膏 管

仲 金母 貝母 丹參 海軍 狼毒 銀母

芫花 麝香 熊胆 鹿茸 瓜蒂 雄黃 車

前子 雌黃 桃仁 甘草 酸棗仁 地骨皮

牽牛 天花粉 郁李仁 栢子仁 大麻子

枸杞 麥門冬 天仙子 益母草 山查子

兔絲子 五味子 蔓荊子 青木香 何首烏

金銀花

夫有山川必有物產顧所產有良有不良卽一統
志所載密雲之產止藁本香耳此在上供之物必
良者是取若居民資以爲生唯其多多益善安問
良弗良哉

密雲縣志卷之五

地理志

城隍

余讀王制司空度地居民有四時之宜有險要之勢故易曰王公設險以守其國自秦罷侯置守郡邑建焉所以奠社稷衛人民者實恃乎此險之時義大矣哉志城隍

舊城創于洪武年間原設三門週圍九里十三步共一千八百一十五丈高連梁口三丈五尺闊二丈八尺樓三座城門三座俱鉄裹城上設更舖二十

密雲縣志

卷之五

四座

今城樓城牆半屬傾毀

舊志城守分屬密雲中衛五所

巡城指揮一員每門軍士二十名巡

羅軍士四十名

今裁衛歸縣縣司城門啓閉其守門巡羅軍士屬城守守備

新城創於萬曆四年在舊城之東隔五十步設三門週圍一千一百七十九丈高連梁口三丈五尺樓

四座角樓四座城門三座俱鉄裹城上設更舖七

座

今東西門城牆傾毀

舊志城守分屬密雲中衛五所

巡城指揮一員守門軍士共三十九

名巡羅軍士四十名今無衛所凡守門巡羅軍士俱屬城守守備

城守營守備公署在總督府遺址東隅

舊城南門外石橋一座各廣濟橋萬曆十五年河水衝決

南門內石橋一座名安濟

西門石橋一座今不存

超渡庄石橋一座在城東四十里泉水湧出溫和冬不凝冰萬曆六年知縣張世

則因置水田於河之北畔而築橋於此名超渡

畿輔重鎮坊舊軍門今廢

司馬幙府坊舊軍門東今廢

總督轅門坊舊軍門西今廢

經國坊戶部分司東嘉靖二十年建今改工部分司公署

裕邊坊戶部分司西嘉靖二十一年建今改工部分司公署

審雲縣志 卷之五 二

按察分司坊二座兵備道前嘉靖三十七年建

聖域坊儒學門東今改德配天地嘉靖三十年建

賢關坊儒學門西今改道冠古今嘉靖三十年建

進士坊城東南洪武年爲進士王昇立今廢

孝友坊縣南永樂年爲孝子安仁立今廢

粹秀坊縣東景泰元年爲舉人盧誠立今廢

擢英坊縣西景泰四年爲舉人杜時立今廢

恩榮坊縣南爲進上李淳立今廢

繡衣坊縣南爲御史仇仁立今廢

紹美坊縣南爲戶部員外李滄立今廢

茅憲坊

戶部巷內大街爲御史盧楫立今廢

阜民坊

縣南關南街今廢

安民坊

縣南關北街今廢

崇仁坊

縣南關東街今廢

感化坊

縣南關西街今廢

恩榮坊

縣東嘉靖四十三年爲進士孫汝翼立：已上俱在舊城

總督軍門坊

屏翰三輔坊

軍門東後改爲萬里金湯

節制四鎮坊

軍門西後改爲九邊鑲鑰三坊俱在新城

五世同居坊

弘治三十年爲李璣建在荆栗園今廢

客雲集志

宋之五

三

集市

在城

單日在舊城南關集雙日在新城南關集

馬市

在新城東門外萬曆六年總督軍門都御史梁夢龍題爲易買各鎮馬疋立三六九關至

天啓年
停止

石匣市

初二十二二十二
初七十七二十七

鄉村

租子孫

縣東二里水衝沒不存

鳳樓鄉

縣西所轄二里

會仙鄉

縣北所轄二里

仁平鄉

縣東所轄二里

安寧鄉

縣南所轄二里

東智里

縣東北八里

遠西里

縣南二十里

星莊里

縣東北三十里

新城里 縣東北一百八十里

竇家里 縣東四十里

八家里 縣東北五十里

陳太里 縣東北七十里

戶步里 縣北四十里

安濟里 縣東南十里

廣順屯 縣西南十五里

東智庄 縣北十里

西智庄 縣北十里

栗園庄 縣東北十里

沙河莊 縣北十里

李家莊 縣北五里

金箔羅 縣北十里

尖崖莊 縣北二十五里

栢崖莊 縣北三十里

溪翁莊 縣北二十里 旗鼓庄卽是今訛稱

太子府 縣北二十里 元太子所轄

田各莊 縣西十五里

韓家莊 縣西十里

王家莊 縣西二十里

朱之五

四

倉頭莊 縣西二十里

園村莊 縣西北二十里

燕樂寨 縣西五里

遠西莊 縣東南二十里

提轄莊 縣南八里

寧村莊 縣南五里

河南寨 縣南八里

蔡家莊 縣東十里

盧家莊 縣西南十五里

荆栗園 縣西南十五里

臺頭莊 縣西南二十里

雙井莊 縣東北四十里

沙峪莊 縣東北六十里

于家莊 縣東四十里

陳家莊 縣東北十五里

學家莊 縣東北十五里

兵馬營 縣東北六十里

金溝村 縣東北四十里 元時有金溝館卽此

戶步莊 縣北四十里

董家莊 縣北四十里

青店水谷 縣北三十五里

楊家莊 縣北五里

黃駝子莊 縣北四十里

黃土嶺莊 縣北五里

乾河場莊 縣北十五里

安樂莊 縣北五十里即

不老莊 縣北五十里俗傳有
不老人五百歲居此

星莊 縣北三十里

橫河莊 縣北四十里

北省莊 縣東二十五里

南省莊 縣東北二十五里

和尚店 縣北三十里

超渡莊 縣東北三十里

石駱駝 縣東北二十五里

寶家莊 縣東三十里

焦家務 縣東十五里

鐸山莊 縣東南五十里

豐家莊 縣東二十里

蔡家窪 縣東十里

荆家莊 縣東三十里

各鄉縣志

卷之五

五

霍家莊 縣東二十里

南莊 縣東十五里

沙場莊 縣東五十里

穆家谷 縣東二十五里

祖家莊 縣東北四十里

楊家谷 縣東北十五里

撥關谷 縣東二十里

鹹場莊 縣東北三十里

蘆子谷 縣北二十五里

塔子谷 縣東北五十里

尙家莊 縣東六十里

徐家莊 縣東二十里

唐家莊 縣東四十里

糖子莊 縣東三十里

高駝莊 縣東二十里

大崖里莊 縣東北三十里

滑村莊 縣東北八十里

松樹谷 縣東北七十五里

太史莊 縣東北八十里

吳家會 縣東北七十里

高嶺村庄 縣東北九十里 城子里 縣東北八十五里

南臺庄 縣東北八十里 北臺庄 縣東北七十五里

新城里庄 縣東北一百五十里 令公村 縣東北一百二十里

北店子庄 縣東北一百一十里 老王店庄 縣東北九十里

曹家寨庄 縣東北一百八十里 蔡家店 縣東北一百三十里古通遼東大路今不行

兩河莊 縣南潮白二河間 沿村庄 縣西十五里

塔院庄 縣西十里舖 渤海寨 縣西四十五里

靳各寨 縣西八里

密雲中衛二十九屯

仙臺屯 擡頭屯 呼奴屯 河漕市 蘇橋屯

密雲縣志 卷之五 六

軍下屯 雙井屯 太時屯 東務屯 嶺上屯

畫山屯 黎園屯 石庄屯 宋務屯 王官屯

宰相屯 龍灣屯 牛欄屯 呂遂屯 石匣屯

傳莊屯 焦莊屯 荆駝屯 段村屯 周莊屯 前屯

周莊屯 後屯 留馬屯 朱馬屯 白塔屯

後衛六屯

高嶺屯 金溝屯 庄寨屯 汝口屯 胡家屯 營屯

部落屯 已上共三十五屯係衛守備掌管自康熙四年裁太守備除圈去二十三屯下剩十

二屯歸併密雲縣為中衛里

景致

高嶺村庄 縣東北九十里 城子里 縣東北八十五里

南臺庄 縣東北八十里 北臺庄 縣東北七十五里

新城里庄 縣東北一百五十里 令公村 縣東北一百二十里

北店子庄 縣東北一百一十里 老王店庄 縣東北九十里

曹家寨庄 縣東北一百八十里 蔡家店 縣東北一百三十里古通遼東大路今不行

兩河莊 縣南湖白二河間 沿村庄 縣西十五里

塔院庄 縣西十里鋪 渤海寨 縣西四十五里

靳各寨 縣西八里 密雲縣自為一修 帛村此三篇至即為止 小修通一為大字

密雲中衛二十九屯

仙臺屯 擡頭屯 呼奴屯 河漕市 蘇橋屯

密雲縣志 卷之五 六

軍下屯 雙井屯 太時屯 東務屯 嶺上屯

壽山屯 黎園屯 石庄屯 宋務屯 王官屯

宰相屯 龍灣屯 牛欄屯 呂遂屯 石匣屯

傳莊屯 焦莊屯 荆駝屯 段村屯 周莊屯 前屯

周莊屯 後屯 留馬屯 朱馬屯 白塔屯

後衛六屯

高嶺屯 金溝屯 庄寨屯 汝口屯 胡家屯 營屯

部落屯 已上共三十五屯係衛守備掌管自康熙四年裁去守備除圈去二十三屯下剩十

二屯歸併密雲縣為中衛里

景致

冶塔仙燈

縣東北八里冶山上昔傳有仙居其上時放仙燈夜嘗見云

聖水鳴琴

縣南十里下有龍泉寺水環抱出聲似鳴琴

白檀晴光

縣南二十里山之南昔有白檀樹

青洞曉色

縣東北五十里有仙洞下有洞三教寺亦名三教山

霞峰散彩

縣西四十里有霞峰觀元初道士魏志和修煉處

水沼呈祥

縣東六十里龍門山下有聖泉突出如瀑布聲時有五色雲氣

五峰凌空

縣東北八十里五峯如指聳列亦名五指山

迴陽返照

縣東南有穀山此山較諸山獨矮諸山日影俱落此山獨與日光相映故曰迴

陽返照

今天下郡邑三里之城五里之郭豈少乎要之以

卷之三

志

七

爲民也夫以爲民而不免借民之力勞逸向背有
不以城隍爲輕重者存焉不可不審也語有之曰

衆心成城

密雲縣志卷之六

地理志

部署

夫君子朝以聽政晝以訪問夕以修令夜以安身亦必嚴邃深密然後內莊外肅已弗敢弛而民弗玩堂陛之制從古由然矣是故高閼夷庭匪以為威也靜軒崇閤匪以為美也將使蒞者觀其外思無歉于內也詩曰酒掃庭內維民之章言不媿于

屋云爾志部署

總督府 原在舊城東南隅萬曆五年改建新城正北今廢

署雲縣志

卷之六

都察院行臺 舊城鼓樓東原係密雲中衛改建今廢

戶部分司 舊城武十一年建縣東南今為工部分司

兵備道 舊城永樂三年建嘉靖年修署于東南

協守副總兵營公署 隆慶元年建縣西南今塌壞過半

振武營公署 天順六年建縣東南崇禎三年改為監視公署今廢

東營公署 嘉靖三十八年建縣南今廢

西營公署 嘉靖四十三年建縣西南今廢

輜重營公署 萬曆九年建今廢

永勝營公署 隆慶六年建今廢

石匣營公署 石匣城

拓雲縣志總督府至
舊城館止
舊城館止
舊城館止

石匣西路南兵營公署石匣城今廢

石塘嶺營公署石塘嶺城嘉靖三十三年建

古北口營公署古北城原係提調衙署嘉靖十九年參將韓承慶改建

曹家寨營公署曹家寨城嘉靖三十四年建

牆子嶺營公署牆子嶺城嘉靖三十年建

守備公署舊城鼓樓北嘉靖四十一年建至萬曆年移於總督府後今城守營守備公署

在總督府遺址東

管糧通判公署舊城縣南嘉靖二十九年建今廢

密雲縣舊城鼓樓西原治湫隘傾圯萬曆二年知縣邢玠張世則闢地重建詳見圖

文學舊城鼓樓東洪武十一年建

密雲縣志

卷之六

二

武學舊城文學西原係旗纛廟舊基隆慶六年改建為武學

文昌藝苑新城東門外北萬曆六年知縣張世則初建今廢帝君聖像移于書院

密雲中衛舊城洪武五年建萬曆四年指揮汪大德改建兵備道東又改建鐘樓西今廢

密雲後衛古北口城洪武十一年為守禦千戶所至三十三年改建

密雲後衛學成化二十二年生員祝昭龔宗道奏建順治十一年衛學奉裁本縣儒學兼攝衛學

密雲後衛書院原建于古北口東門外後改建城內今廢

教場新城北天順六年建康熙五年圈

石古曹牆石匣各路教場俱在各路城外

戶部銀庫舊城縣東嘉靖年建今廢

龍慶倉舊城縣南洪武十一年建

石匣倉

石匣城弘治十六年建

古北口倉

古北口城洪武十二年建

廣積倉

大水谷

廣有倉

曹家寨

廣盈倉

石塘嶺

廣豐倉

白馬關

廣儲倉

牆子嶺

已上五倉俱嘉靖三十八年總督楊博題建

草場

舊城西南洪武年
建各路俱有

密雲驛

舊城南門外洪武
十二年建今廢

密雲縣志

卷之六

三

石匣驛

石匣城洪武十
一年建今裁

陰陽醫學

舊城縣西洪武十
七年建今廢

施藥局

縣東萬曆四年知
縣張世則建今廢

稅課局

縣南關永樂二年建
弘治十八年裁革

惠民局

縣南洪武十
七年建今廢

鄉約所

新舊夾城內萬
曆五年建今廢

申明亭

縣前洪武年
建萬曆五年
知縣張世則
重建今廢

旌善亭

縣前洪武年
建萬曆五年
知縣張世則
重建今廢

僧會司

縣北龍興寺內
洪武十六年
建

道會司

縣北真武廟內
洪武十六年
建

縣西北隅萬曆年
知縣尹同華建

舊城縣東正統八年建

鼓樓後正統十四
年建傾圮未修

舊城西門外五里萬曆二年戶部郎中申
嘉瑞通判衛重鑑爲郊勞使寶建今水衝

舊城南門外一里萬曆六年戶部郎中戴耀通判衛重鑑爲晒揚漕糧建今廢

鋪舍

總舖、
關縣南

舖、縣西
十里

舖、
八縣
里東

舖
十縣
五北
里二

卷之六

四

鋪縣北三十五里

庄
十縣
里北
五

舖
十縣北七
里

鋪縣東北
八十里

舖
九縣
十東
里北

口舖縣東北一百里
已上舖舍俱廢

居有行夫居者日近民所庇也行者時省

所望也居者不庇民與行者不副民之望皆

府也卽居者且欲去行者復奚宜至哉古語

無於水監當於民監

密雲縣志卷之七

地理志

壇壝

肥典祠
廟附

幽 鬼神明有官司均之爲民寄也故有司爲民
以事鬼神鬼神爲民以佑官司其感應之機若影
響符箓無錙銖爽也故徒知治民而謂鬼神不足
事與徒事鬼神而不知爲民者皆非良有司也志
壇壝

社稷壇

縣西三里洪武年建壇制方廣二丈五尺
高三丈今被水衝改建舊城東北

風雲雷雨壇

縣南一里洪武年建今
被水衝改建舊城東南

密雲縣志

卷之七

一

邑厲壇

建西門外
今被水衝

文廟

舊城舊樓東洪
武十一年建修

啓聖祠

文廟內

鄉賢祠

文廟內

名宦祠

文廟內

魁星樓

文廟旁

武廟

縣北小巷洪武年大將軍常遇
春委指揮張武建嘉靖四十四年兵備僉

事張守中改建

於大街中奉
武成王在文廟
西即今武學

城隍廟

在舊城
西門裏

鄒大夫祠

在夾道
路北

功德祠 新城市門外萬曆四年建祀總督楊博等今廢

文昌祠 一在新城西北隅順治十八年貢生杜琳建一在新城東南隅書院內

真武廟 縣北城下宣德十一年指揮劉容建嘉靖四十年總督楊選移建城上今城被水衝神殿漂沒

東嶽廟 縣西北洪武五年建天順二年鎮守都指揮陳亮移建東門外

三官廟 縣西北隅

古關王廟 縣南洪武十三年建

英濟王廟 縣西北隅俗名相公廟

馬神廟 新城西北隅

元君廟 縣東北隅嘉靖二十二年建俗名娘七廟

龍王廟 在南關東嘉靖二十三年建

寧雲縣志

卷之七

觀音菴 縣南關正北嘉靖八年建

晏公廟 縣南關西洪武二十年建

楊令公祠 宋楊業屢建大功立祠祀之其祠在古北口年遠傾圮癸丑歲霸昌道耿公捐俸倡修廟煥

董家廟 縣東門外一里洪武年間民童武建萬曆五年改建新城移置東甕城今廢

大悲菴 在新城

三教堂

西方菴

大佛寺

玉皇廟

永慈菴

塔院菴

藏經菴

文昌閣

在舊城東南角
康熙七年塌壞

藥王廟

在新城
南門外

慶峰觀

縣南元時建洪武十六
年道人郭東峰重修

忠義祠

縣東門外一
里建年無考

龍興寺

縣後唐時建元大安重修又大德丁酉
重修今為本縣習儀所俗名鏈略寺

大安寺

舊名白猿院縣東北五十里北
齊五年建金安承四年重修

天門寺

縣南三十里
建年無考

普濟寺

縣東北八十里天統五年建清
寧二年重修內有顯公和尚祠

卷之七

寺

五

三教寺

縣東北五十里青洞山下洪武年重
修又有卧佛寺唐時建嘉靖年重修

五龍祠

縣南居山川壇左萬曆四年知
縣張世則重修每晴雨輒應

谷壽寺

縣東三十里
元時建今廢

福泉寺

縣東北五十里
洪武四年建

禪林寺

縣東北四十里
洪武八年建

三義廟

在舊城西
門甕城

護國寺

縣南十里
建年無考

觀雞寺

縣東北一百八十里霧
靈山下有觀雞仙人蹟

孤山寺

縣南五里
建年無考

雲峰寺

縣東北一百八十
里建年無考

清濟寺

縣北三十里
建年無考

冶山上寺 冶山下寺

縣東北八里契
丹重熙八年建

祐國寺

縣南十里舖至元八年
建正德二年重修

龍門寺

縣東北五十里
建年無考

黑山寺

縣西北三十里
建年無考

三皇廟

縣西北隅
建年無考

文殊菴

縣西門裏崇禎三年
知縣張星建

火神廟

在南門裏城內
建年無考

聖師廟

在藥王後殿

清都觀

亦名洞真觀縣西北十里大安二年道人
桂宗道建至元改為洞真宮宮陽真人居

卷之六

卷之六

四

之煉藥洪武二十四年
置道錄司居者百餘人

圓通菴

在石匣城南門裏通東工部分
司李公諱甲黃康熙二年建

霞峰觀

縣西四十里元初道士魏志和
建元佑五年周道昌重修

新寺

城西一里白河
西岸永樂年建

了師菴

鍾樓東北嘉靖年爲赤肚仙建大學士夏
言題額有遺赤肚書萬曆年兵備道張樸

改爲尊
勝菴

小聖廟

縣南門外西二
里崇禎年建

華嚴菴

舊城南門外
熙治年建

香岩寺

縣東二十五里至正年建內有
大白葉樹一株俗名白葉寺

龍禪寺

縣東南五十
里成化年建

龍泉寺

縣南八里有聖泉至正德三年建即聖水鳴琴處

房兒谷菴

縣南十五里半山中正德年建

別谷院

縣南十五里即黍谷山下大金天會八年建

余聞之神不歆非類民不祀非族古有是言也今天下類族所當祀者有司僅以正典不能廢至於琳宮梵刹伏臘事妖榮者何限神之歆否不可知也欲民之勿祀誰則止之乎吁黷甚矣

按舊志所載廟觀菴寺止此比詢之里人云尙有

渤海寨清修寺

唐尉遲敬德建成化年修

栗園莊宗福寺

元至正年

建嘉靖年修

金匱羅莊福田寺

洪武年建萬曆年修

溪翁莊龍王

家雲縣志

卷之七

五

菴○東智里觀音菴

嘉靖年修

○西智里毘盧寺○太

子府石佛寺○白崖庄黑山寺○韓家庄觀音菴

李家庄雲岩寺○沙河庄普照寺○銀冶嶺西谷

觀音寺○焦家務奉福寺○寶家庄清涼菴○西

峪庄秀峰寺○高家庄紅門寺○八家庄西龍泉

寺

元至正年建

○釣魚臺廟

元至正年建

○黃家庄聖壽寺

唐朝建

○羊山庄聖德寺

唐朝建元至正年修

○穆家谷湧泉

菴○荆子谷觀音菴

元至正年建

○北省庄塔山寺

元至

正三年建

○東恒河庄觀音寺○于家臺觀音寺○西

石駱駝庄地藏菴

元至正三年建

○太史庄開元寺

元至正年

建 ○學家庄洪山寺 正統年間建 ○石匣三官廟 天順年間建 ○

南莊甘崖寺 成化年間建 ○賈家庄天盆寺 元至正年間建 ○新

城里觀音寺 遼天慶年間建 ○金禪寺 元至正年間建 以上舊志

俱未載中間建修年月未有詳者姑存之

夫道釋莊嚴普遍海宇而名山大谷間尤比次焉其小大有差廢興不一存之不足以爲有削之不足以爲無顧村野之氓以之記里有生長不知坊社而刻剝開林叩之無不知者其習俗則然也世之爲守令者或毀棄迦維以示崇正之教恐于人情不無齟齬云

密雲縣志卷之八

地理志

古蹟

附陵墓

夫時事易遷也所不與俱遷者惟是曩昔之逸行
與夫奕世之芳規爲可稽循爾語曰莫爲之前雖
美弗彰莫爲之後雖賢弗傳脫舍是罔詢焉則易
水之悲歌樓桑之枯朽不幾與草木同腐耶志古
蹟

土垠縣

縣東一百里陳宮山
下有土垠縣今址存

漁陽城

縣西南三十里唐發
閭左戌漁陽卽此城

密雲縣志

宋之人

一

安樂城

縣東北五十里後漢置安
樂縣屬魚陽郡今址存

共工城

縣東北五十里一統志云共工城在
檀州燕樂縣界卽舜流共工於幽州處

華林莊天柱莊

縣南十五里黍谷山大
遼造亭臺河池遊賞

鄒衍廟

縣南黍谷山鄒衍
吹律於此址尙存

金溝館

縣東北五十里宋時王曾上契丹
書由檀州至金溝館卽今金溝莊

燕山竇家庄

縣東四十里後周人竇禹鈞修德積
善調子有方位居諫議大夫五子俱

登高第長子儀清介厚重宋太祖建
隆元年召爲翰林學士爲宋代名臣

元太子寨

縣北三十里平
頂山上址尙存

看花臺

縣西北大水谷二十里蕭
太后登臺賞花址尙存

釣魚臺

縣東北五十里共工城東
三里俗傳共工遊息處

境外仍有小興州大興州蘇武洞鳳州
城猪頭山野馬川捍城石曹溝桑八家巡檢司
興縣舊屬密雲版圖以永樂初棄大寧俱淪于沙
漠姑附其名于此

古人違矣有生不同時居不同地曠百世而相感
者緣蹟有以感之也過竇氏之間而深企慕之懷
睹共工之城而發於邑之嘆然今之視昔亦猶後
之視今耳世之爲蹟者毋使後人復痛後人也

陵墓附後

燕王墓

九州記云古漁陽北有
無終山上有燕昭王墓

密雲縣志

宋之人

二

元董元帥墓

在墻
子嶺

元蕭丞相墓

縣西十五
里蒼頭

劉存規墓

字守範河間王二十四代孫至于大遼
間屢建奇功遼拜爲積慶官都提轄使

紫金榮祿大夫校尉司空兼御史大夫上柱國卒
於應曆五年葬密雲嘉禾鄉子五長繼玘攝順義
軍節度衙推次繼英承康府押衙次繼昭山河都
指揮使次繼倫定遠軍節度衙推見碑志

楊佑墓

佑爲武畧將軍檀州採金都提轄家世
檀州卒塋於燕樂之故塋祭酒陳儼志

人生百年如瞬息所恃以不朽者名耳顧其兆宅
之卽遠封樹日尋於侈靡則效尤者甚之矣吁嗟
嗟一杯之土萬古如斯卽謂連塲隱幹後人能睹
記之而得免于椎埋者可何人於是知藉壤聚沙

元董元帥墓 在密雲縣
子嶺
四倭

者可謂得善後之圖亦不必規規於牛眠馬鬣間也

客雲縣志

朱之入

三

密雲縣志卷之九

人事志

賦役

夫有家則有調有田則有租有身則有庸三代以來罔與易焉其間愛養休息則良有司事矣能以時而劑量其宜斯民庶有永賴云志賦役

地畝數

萬曆年原額徵糧民地二千七百三十三頃四十三畝二分五厘五毫八絲一忽○每畝額徵正銀二分七厘八毫九絲一忽○每畝徵黑豆三升八合

密雲縣志

卷之九

一

七勺七抄○每畝加徵棉花胖衣銀二毫二絲六忽四微八纖九沙四塵九埃一渺四漠○遇閏每畝加徵銀一厘一毫七絲六忽一微

自順治二年起至康熙十二年止圖丈帶役水衝沙壓開除殆盡

今實在民地連兌補口西河間地土共計一千四百六十五頃七十四畝八分八厘共徵正銀二千七百五十一兩四錢三分五厘二毫八絲二忽一微九纖四塵六埃八渺九漠○共徵黑豆二千一百二十五石八斗九升一勺四抄二撮六圭交龍慶

石匣古北三倉放給營兵馬料

一實存民地兌補本竟衛地共五百四十八頃三十
三畝三分八厘○每畝徵正銀二分七厘八毫九
絲一忽○每畝加增棉花胖衣銀二毫二絲六忽
四微八纖九沙四塵九埃一渺四漠○每畝徵黑
豆三升八合七勺七抄

一兌補口西地四百八十頃五十九畝三分○照後
處一分二厘一毫七忽三微六纖起科

一兌補河間地四百二十一頃五十九畝七分○照
彼處一分四厘一毫一忽八微八纖四沙八塵三

卷之九

卷之九

三

埃七渺起科

一節年招墾老荒地二十五頃二十二畝五分○每
畝額徵銀三分

人丁數

萬曆年原額人丁一萬六千五百五十三丁原分三
等九則

順治十三年以前逃亡故絕及投充開除共計去人
丁一萬一千六百九十三丁至

順治十三年止僅存人丁四千八百六十丁

順治十四年至今招徠復業編審共增人丁二千七

百六十丁

康熙十二年實在人丁七千六百二十丁見在五則
起科共徵銀一千五百四十兩八錢一分

中中則一丁 徵銀一兩五錢二分

中下則二丁 每丁徵銀九錢一厘

下上則四十七丁 每丁徵銀五錢四分四厘

下中則七百五十丁 每丁徵銀三錢七分

下下則六千八百二十丁 每丁徵銀一錢八分

一厘

一 地丁二項共徵銀四千二百九十二兩二錢四分五

齊寧縣志

卷之九

三

厘二毫八絲二忽一微九纖四塵六埃八渺九漠

起運

一 戶部項下按地加徵棉花胖衣銀一十二兩四錢

一分九厘一毫八絲五忽

一 工部項下匠價銀一十三兩五分

於各匠
戶徵解

一 禮部及各部寺錢糧因地圈丁投錢糧缺額無徵

無解

舊志原載有祿項編差奉 文非地丁正項者一槩

免編

一 經制存留歲額用銀七千三十九兩六錢八分二

厘六毫二絲九忽自順治九年至康熙二年陸續
裁扣銀三千三百五十八兩七錢八分二厘六毫
六絲六忽因地丁徵銀不敷起解奉 文留抵
實支官俸役食驛站并二三年一辦等銀三千六百
八十兩八錢九分九厘九毫六絲三忽在地丁徵
銀支放除外將地丁餘存銀作裁扣銀起解此其
大略也所有解支細款賦役全書刊載甚明

一歸併中衛屯地丁數

實在屯地并兌補墾荒等地一百五十六頃七畝一
分二厘一毫

共徵銀一百七十三兩四分六厘二毫四絲五忽
五微五纖八沙六塵七埃九渺起解

共徵豆三十四石八升六合二勺一抄六撮八圭

一粟交納龍慶古北二倉支營馬料豆

一中衛熟地三頃二十八畝二分 每畝徵銀二分

七厘○徵豆三升

一籽粒地二頃七十九畝 每畝徵銀一分○徵豆

二升

一撈窪地二頃五十三畝 每畝徵銀一分○徵豆

一升二合

一鹽商地五頃六十三畝九分九厘 每畝徵銀一
分徵豆一升

一招佃地三頃七十五畝 每畝徵銀一分○徵豆
一升六合

一後衛熟地六十三畝八分四厘一毫 每畝徵銀
四厘二毫九絲一忽○徵豆六升二合四勺一抄
一分

一兌補河間地二十八頃六十七畝 每畝徵銀一
分四厘一毫一忽八微八纖四沙八塵三埃七渺

一屯丁二百六丁 每丁徵銀一錢八分○共徵銀
三十七兩八分起解

禹貢則壤定賦周官體國經野法至備矣後世有養
民之責者惟無失禹貢周官之遺意則庶幾矣

密雲縣志卷之十

學校志

夫學校人才所由培風教所由成也古者家有塾党有庠國有學諸所爲教者甚備而士亦瞿然向化今天下廣厲學宮以開儒術檀雲爲京左首善地其禮陶樂淑睹聞倍切振育其中者可無景行先哲期無負造士之意耶志學校

唐

密雲縣學在鼓樓東唐貞觀十一年漁陽刺史韋宏機創建至金季兵燬廟貌傾頽

密雲縣志

卷之十

一

元

至元二十八年知州楊璉重修立教職設廩餼制禮作樂文教聿興至正六年知州聶守節念規模狹隘擴地增修廟貌改觀

明

洪武五年詔重學校置教諭一員訓導一員廩生二十名齋夫膳夫書吏門斗等役仍降卧碑制書頒鄉射禮儀於學官而敷政之大方備知縣唐忠重修建櫺星門一座聖域賢關坊二座建啓聖祠於正殿之東明倫堂左右各建齋房三間嘉靖四十五年大司馬劉公暨兵

憲張公重修建名宦祠三間鄉賢祠三間正殿左右建祭器書籍二庫規模允稱大畢矣

萬曆戊戌年七月知縣康丕揚建奎星樓於學宮東南隅

萬曆四十一年知縣尹同臯建尊經閣五間聖域坊改爲德配天地賢關坊改爲道冠古今

尊經閣書籍

四書一部 五經各一部 四書大全 五經大全

二十一史 資治通鑑 性理大全 文獻通考

左傳 公羊 穀梁 國語

客雲縣志

卷之十

二

國策 陰騭書 秦漢文 唐宋八大家

治平略 鴻書 呂氏春秋 崇禎十三年兵譁燬今無

國朝

順治九年啓聖祠傾頽兵憲衣惟孝知縣孫世爵教諭谷起雲訓導張漢因舊地湫隘各捐俸緡改建於學宮

西北隅

順治十七年學宮頽壞知縣劉胤奇教諭李奇胤重修督工駙丞吉生光

成化二十二年龔宗道等奉請創建密雲後衛儒學在古北口東門外教官宅舍在城內北門裏其師生廩俸

齋夫膳夫書吏門斗與縣庠等順治十年教官奉裁共弟子員歸併縣學教官兼攝

武學 卽武成王

嘉靖四十四年奉 旨建武學其廟舊在縣城東北創自大元至洪武五年重修改建於文學西正殿三楹兩廡各三楹教官公署十二楹射圃在學宮西隅董其事者乃原任總兵王繼祖指揮吳栢也武學制教官一員書吏門斗廩膳齋夫如文學例萬曆十四年因兵餉不足借廩糧以充兵餉遂廢

萬曆四十六年總督薛三才汪可受戶部郎中吳暉王

齊雲縣志

卷之十

三

維章兵備道李養賢喻安性通判馮繼京知縣尹同臯守備施洪謨縣丞李質武學科正孫桂典吏吳士良重修

武學教官順治二年奉裁其諸生歸併文學兼攝

祭器

銅簋十五副銅簋十五副銅爵三十副銅簋豆四十四銅酒罇一銅火香爐一鐵香爐三古青磁器七十二木器十二

樂器

按春秋二祭舊有樂器不知廢自何年今之二祭樂絕

響矣國學中今皆有樂而密爲京兆屬邑獨無此誠缺典也

學田

總督部院塞達捐俸置買學田地一十八頃今廢

書院

萬曆二十一年知縣康公諱丕揚建講書堂舍亭榭花卉茂林修竹秀麗可觀在新城下馬店街東門外亦有講書堂內有文昌帝君座邇來傾頽移神像於內書院

社學

社學在夾道鄒子祠後石古曹牆四路皆有今廢

國家右文崇儒州縣無遠邇小巨靡不立學校尙禮義矧密雲爲畿輔重地而京東之首邑哉詳誌其事而紀述之所以存制也制備而爲教之大端可考矣至若學田所以養士而社學尤其基本地也詳以書之俾職司者知所重焉

密雲縣志卷之十一

人事志

建置

邑名風俗附

萬古此輿地則萬古此封圻有辟易無遷塞也顧世代以去就為廢興人情以久近為沿革置郡者郡非益其所無也置縣者縣非損其所有也志建

置

按禹貢屬冀州之地周職方屬幽州春秋戰國為燕地秦漢為漁陽郡地後魏置密雲郡領白檀要陽安樂三縣兼置安州北齊廢郡以二縣併入密

密雲縣志

卷之十一

一

雲後周改安州曰玄州隋置檀州後改為安樂郡唐復為檀州遼為武威軍宋復為橫山郡金改為檀州元仍屬大都路至明復為密雲縣隸北平府永樂元年改北平為順天府縣仍隸焉編戶十四里後置懷柔縣撥去四里止存十里

邑名

漁陽

秦漢間同

密雲

後魏

安州

後漢

玄州

後周

安樂郡 隋

武威軍 遼

橫山郡 宋

檀州 金

大都路 元

密雲 明

攷允魏書皇始二年密雲郡治提攜城今不知在

何處領縣二 真君九年併方城屬焉今方城屬固安要陽前漢屬漁

罷復屬桃花山今桃花山在薊州南

風俗

密雲縣志

卷之十一

二

多文雅士

自古言勇俠者皆出幽并涿郡太原自前代以來多文雅士

人多技藝

地志水其土厚人多技藝

沉鷺多才力重許可

唐杜牧集幽并之地其人多沉鷺多才力重許可

多慷慨悲歌之士

唐韓愈傳送童邵南序

自古號多豪傑

宋蘇軾集幽燕之地自古號多豪傑名於國中者往往而是

人性寬舒

輿地志

勁勇而沉靜

宋蘇軾燕論

風俗朴茂

宋范鎮幽都賦風俗朴茂蹈禮義而服聲名

精騎射有俠士風

風俗論萬曆六年知縣張世則

密雲即漁陽之西鄙也自唐天寶以

迄宋元兵氛未靖民俗日偷至今日始聳然稱三輔之強爲聖化首被矣故土風多恬退而民俗崇佛事原其興善之心殆過濡致之也深乎惟逼近邊鄙是以民多勇悍而輕生游俠而情農浮滑而踈於治產酣恣而略於別嫌此四弊風至今存焉余不德未能起而維之竊惟勤耕織則本教植桑棗則生殖申明鄉約則勇悍可馴而酣恣知檢矣弟化成于久道未可以歲月期也意賦役以煩民苦於徵而病於勞矣煤山未開非直米如玉而熟且桂矣一夫應募舉族以爲後憂無亦行人之得邑人之災乎三敵採榛中使蔓索而荷求何若歲徵諸民聽其自輸乎夾河爲患則新城東隅舊城西隅非建重堤以障之不可也易芻豆必于招商乃民間赴役如蹈湯火則腳價時估頻歲議減者非經畫也有此六害民無安堵亦奚望其務本業而正風俗也哉大抵風俗有利弊政治有緩急思以維風存乎起弊然必害除利興而後風移俗易機固有漸焉耳譬則義方以訓子其撫摩之愛居多故善政不亟于變俗以調停爲先務苟處置得宜卽吾之汰行法行教亦行矣蓋養子而後教

之父道也訓民必先利之王道也慮及此者謂之軫民瘼諳治體矣

古之建置有隆殺要亦居重馭輕以示堂高之意密雲在昔爲檀州領三縣矣於今雖曰叢爾之封

然內近

神京外通古北非懷順諸邑之僻壤可比也率是邑者視諸縣之坐鎮雅俗爲倍難焉

密雲縣志卷之十二

人事門

兵制

易曰君子容民蓄衆蓋寓兵于農之義也自井田廢而兵農始分厥後兵制屢變惟漢之南北軍唐之府兵猶爲近古焉如我

清八旗固稱雄武此惟禁旅則然耳若檀雲爲神京股肱郡且群山盤錯不無萑苻之慮而兵制可無稽歟

志兵制

密雲縣志

卷之十二

一

明

總督標下除原設振武營外節年提增西協副總兵營

左營 右營 奇兵營 前鋒營 後勁營 中權

營 川兵營 石塘嶺營 古北口營 曹家寨營

牆子嶺營 密雲守備營

明末又有督標撫標鎮標之異有舊餉新餉練餉之分兵制屢更不能備載此其大略云

國朝

密雲縣額設營路城堡及駐劄官兵馬匹城池數目

密雲城守營

叅將一員 中軍守備一員 順治十六年叅將
奉裁止留守備一員 調防把總一員

一守備下統領見在兵一百六十五名內馬戰兵
三十四名

一題留防守密雲舊城兵以新城守備統領見在
兵八十五名內馬戰兵一十七名

一奉文調營家路防守密雲把總一員領抽練見
在兵八十六名內馬兵五名

以上共兵三百三十四名

石匣城

卷之二

卷之二

二

副總兵一員 都司二員 康熙 年奉裁改爲

遊擊一員 中軍守備一員 千總一員 把總

二員 內一員駐防平谷

共統領馬步兵七百三名

平谷縣駐劄調防石匣把總一員領抽調各營路

馬步兵八十六名內馬兵二十五名

清河營

駐防把總一員 見在兵丁九十一名內馬戰

兵二十名

牆子嶺

都司一員 千總一員 把總一員 統領馬兵四十五名 守兵一百六十五名

鎮羅營

把總一員 馬兵十名 守兵三十名

一沿邊定留墩臺三十五座每座設兵三名共

兵一百五名

曹家路

守備一員

總領馬兵三十六名 守兵一百四十名

吉家營

卷之十一

朱之十一

三

把總一員 馬兵八名 守兵三十七名

一沿邊定留墩臺五座每座設兵三名共兵一

十五名

黑峪關

把總一員 馬兵九名 守兵三十四名

沿邊定留墩臺一十四座每座設兵三名共

四十二名

古北路

都司一員 千總一員

統領馬兵三十七名 守兵一百二十八名

司馬臺

把總一員 馬兵九名 守兵三十四名

一沿邊定留墩臺七座每座設兵三名共兵二十一
十一名

潮河川

把總一員 馬兵十四名 守兵五十六名

一沿邊定留墩臺七座每座設兵三名共兵二十一
十一名

石塘路

都司一員 千總一員 把總一員

各堡寨志

卷之十二

四

統領馬戰兵四十六名 守兵一百七十四名

白馬關

把總一員 馬兵九名 守兵三十五名

一沿邊定留墩臺二十座每座設兵三名共兵六十
六十名

大水峪

把總一員 馬兵九名 守兵三十五名

一沿邊定留墩臺二十一座每座設兵三名共
兵六十三名

按密協兵制星羅棋布其區畫綦詳矣但無

不弊之法而有不弊之人後之司兵者惟守
其法而善用之慎勿使法爲人弊可也

密雲縣志卷之十三

人事志

官師

縣制非古也自秦罷侯置守而郡縣之制興歷代因之至於今不廢然而設官僚備師儒以行政教則古先王設官分職體國經野之遺乎密雲俗險民貧無足稱詡者惟是蒞治諸君子政不繁而教有序密之人咸重有賴焉

志官師

明

密雲縣志

卷之十三

一

總督軍門

戶部分司

兵備道

管餉通判

以上俱見四鎮三關志茲不載

明知縣

唐忠

洪武五年任

謝彥文

洪武十一年任

張鐸

正統五年任

張琪

洪治七年任

李彥成 洪治十七年任

高賢 山西人正德元年任

邢良 河南人正德二年任

尹懋 陝西人正德八年任

王璧 山西人正德九年任

馮繼祖 陝西人正德十一年任

閻旗 山東人正德十三年任

崔良相 山東人正德十五年任

蔣清 直隸含山縣人嘉靖元年任

張淮 河南人嘉靖三年任

寄雲縣志

卷之十三

二

孫塘 河南人嘉靖四年任

朱鳳儀 山東人嘉靖八年任

尹天民 山東人嘉靖十年任

劉九思 直隸頓榆縣人嘉靖十年任

馬林 湖廣人嘉靖十八年任

楊璘 江西人嘉靖二十年任

袁膺薦 浙江人嘉靖二十二年任

陳秉綱 廣西人嘉靖二十六年任

徐麟 福建人嘉靖二十九年任

胡景陽 河南人嘉靖三十年任

張 衷 湖廣人嘉靖三十四年任

徐 輪 陝西人嘉靖三十六年任

江 東 山東人嘉靖三十八年任

邢元徹 四川人嘉靖四十三年任

許希孟 河南人進士隆慶二年任

賈 廉 河南人隆慶二年任

張思正 河南汝陽人隆慶四年任

邢 玠 山東益都人進士隆慶五年任歷陞南京兵部侍郎

張世則 山東諸城人進士萬曆三年任歷陞江西右參政密雲志自此始

趙 垌 山東萊陽人歲貢萬曆八年任

客寓縣志

卷之十三

五

衛民望 山西翼城人舉人萬曆十一年任

田 勸 直隸潁川人進士萬曆十二年任陞戶部主事

王 明 山西解州人進士萬曆十五年任陞山東道監察御史

楊士鴻 山東禹城人進士萬曆十七年任陞刑科給事中

康丕揚 山東陵縣人進士萬曆二十三年任陞陝西道監察御史

王之都 山東新城人進士萬曆二十七年任陞戶部主事

劉澤深 河南扶溝人進士萬曆三十年任陞刑部主事

檀芳遂 山東汶上人進士萬曆三十二年任陞戶部主事

秦士文 山東濰陰人進士萬曆三十五年任陞禮部主事

徐光前 山東新泰人進士萬曆三十八年任初地三頃養馬一匹民咸苦之公力爲申請改

爲九頃養馬一
匹民皆食其福

尹全臯 山西興縣人進士萬曆四十一年任行取兵科給事中

田生芝 湖廣麻城人進士萬曆四十七年七月十八日自固安調任天啓元年五月二十八日

吏部 欽取

王家楹 山西洪同人進士天啓元年七月二十七日自三河調任四年二月內陞直隸揚州

府同知

王應泰 陝西人進士天啓四年自寶坻調任六年欽取吏部主事

張星 河南光州人進士崇禎三年任行取

秦世英 陝西人進士崇禎三年自文安調任

荆祚永 山西臨晉縣人進士崇禎四年自良鄉調任六年行取禮科給事中

齊雲縣志

卷之一三

四

王應元 山西猗氏縣人進士崇禎七年任行取監察御史

朱國翰 河南雒陽人進士崇禎十二年任行取兵部主事

漆園 江西新昌人進士崇禎十四年任

孟明輔 河南祥符人進士崇禎十五年任 欽取禮科

國朝部道知縣

戶部分司 順治九年裁餉務歸併薊州戶部後十一年歸併本道

兵備道 順治八年改駐通州十五年改爲霸昌道

工部分司 順治十六年添設抽分木稅于康熙二年裁歸併本縣兼攝於康熙六年復添

工部

宋光賢 浙江山陰人舉人順治元年任 欽取工部主事

董成學

遼東寬奠人國學生員順治二年任三年內考選御史

孫世爵

遼東人貢生順治四年任

劉志魁

滿州籍臨清人順治七年任

馮源

山東人進士順治九年任

孔貞銘

貢士聖裔順治十四年任

劉胤奇

山西人舉人順治十四年任重修文學

張懷琄

山西人貢生康熙二年任修葺武廟

陳素抱

浙江人舉人康熙五年任

趙弘化

山西壽陽人己亥進士康熙六年任

明

密雲縣志

卷之十三

五

縣丞

金堪顧

浙江人嘉靖二十五年任

任賢

山東人嘉靖二十九年任

朱良臣

浙江人嘉靖三十四年任

童錫

浙江人嘉靖三十八年任

林

浙江人嘉靖三十七年任

夏興仁

江西人嘉靖四十年任

鄭浩

江西人嘉靖四十二年任

俞齊山

嘉靖四十五年任

丘如岳

隆慶三年任

何日

山東人隆慶五年任

王希武

山東益都人萬曆二年任

丘元

山東歷城人萬曆四年任

張永晏

山西霍州人萬曆五年任

國朝

縣丞

張問行 江南人順治三年任

王建鼎 山西人順治七年任

陰坤生 陝西人順治十一年任

霍夢松 山西人順治十五年任

順治十六年奉 旨裁

明

典史

段錄 成化五年任

夏思來 成化九年任

張峴 隆慶元年任

侯尚德 河南人隆慶五年任

游恢 江西人萬曆五年任

茹學文 山陰人萬曆三十二年任

童常吉 會稽人萬曆三十五年任

董國英 慈谿人萬曆三十八年任

國朝

卷之三

朱之一三

典史

高一第 浙江杭州人順治元年任

陳本厚 浙江人順治十二年任

謝起東 浙江人順治十五年任

茅琮 浙江人康熙二年任

竇太章 陝西富平人康熙五年任

俞嘉賓 浙江人康熙八年任

章熹 江南石埭縣人康熙十一年任

明教諭

劉慶 河南人洪武年任

趙迪 成化六年任

李潔 山東人洪治八年任

李樹 遼東人

劉鏜 直隸邳州人正德元年任

高登 山東人正德八年任

趙克佐 桐州人正德十三年任

李昇 遼東人嘉靖十八年任

王表

山西人嘉靖二十年任

何文溶

嘉靖二十年任

閻昊

嘉靖三十年任

范儒

山東人嘉靖二十六年任

黃瑤

山東人嘉靖四十三年任

張智遠

陝西人嘉靖四十四年任

高懿厚

順天府人隆慶六年任

王謨

陝西人萬曆四年任

喬汝珍

直隸成安人萬曆五年任

宋時名

保定安肅人天啓七年任

聶棟

江西人崇禎五年任

孔聞俊

聖裔兗州府人崇禎九年任

杜宏

保定府人崇禎十四年任

國朝教諭

張宿星

陝西人順治三年任

樊龍

慶都人順治七年任

谷起雲

興濟人順治九年任

張大道

容平人順治十一年任

客雲縣志

卷之十三

七

李奇胤

寧晉縣人順治十三年任

順治十八年奉

旨裁止留訓導

明訓導

趙舒

林泰

洪治年任

王輔仁

山東人洪治十二年任

張文蔚

太榆人正德三年任

姜鴻

山東人嘉靖六年任

李綸

嘉靖二十二年任

呂邦奇

嘉靖十五年任

王錫恩

山東人嘉靖二十七年任

張雲鳳

陝西人嘉靖三十年任

祁果

嘉靖十五年任

馬源

孫肯堂

山東人嘉靖四十一年任

路文通

山東人嘉靖四十二年任

張楷

山東臨清人隆慶二年任

白紳

山西人隆慶六年任

劉棟

棲霞人萬曆三年任

張朱

真定邢台人崇禎四年任

張漢

福寧人崇禎八年任

國朝訓導

曹從文

河間人順治十四年任

林鴻鳴

天津人康熙七年任

劉紹

保安人康熙九年任

楊定國

福寧人康熙十一年任

後衛教授

孟希鄒

孫時茂

順治十四年奉

旨裁歸併縣學兼管

武學科正

孫桂

王襄

曹尙仁

客雲縣志

卷之十三

八

陳仗鉞

龐繼武

順治二年奉裁歸併儒學

國朝客城營守備高武賢

調防把總吳應龍

密協石匣營遊擊史景洲

中軍守備臧守祖

標下

千總蔡調鼎

左哨把總劉澤泉

右哨把總滿

謙吉

石塘路都司

千總陳

愷

城守把總匡

君德

漕河營把總鄭奎烈

白馬關把總張應

玘

大水峪把總賈忠

古北路都司郭四成

千總

潮河川把

總朱寶山 司馬台把總邵國隆

曹家路守備徐應魁 把總許大任 吉家營把

總楊勇定

墻子路都司周 龍 千總梅登雲 把總王明

仁馬珂

密雲縣志卷之十四

人事志

選舉

自晉漢以來掄才之典不一曰賢良方正曰孝廉曰博士弟子其後或以文學舉茂才舉直言極諫舉間歲有詔而無定額歷考之惟明經科目得人尤稱盛焉或輸忠以明義或振藻以揚休或抗直以補袞蓋取之以正而功名事業則靡不正矣士

宗

密雲縣志

卷之十四

吳章

以賦詞官翰林院大學士

元

韓壽

崇雅化繕詞音世宗時同平章事

明

陳顥

舉人仕知縣

高厚

舉人任山東萊蕪縣知縣

薛謙

舉人任陝西邠州判官

田崇

舉人任廣西按察副使

王昇

舉人任江西吉水縣知縣

杜時

舉人任華亭縣知縣

盧旺

舉人任德平縣知縣

單翺

舉人未仕

李詳

舉人任山東布政司經歷

陶榮

舉人未仕

盧誠

舉人任山西代州訓導

李傑

舉人任浙江道御史

李

璣舉人任光祿寺主簿

李

惠舉人任長陽縣知縣

李

憲舉人任陝西鳳翔府通判

盧

楫進士任四川道御史

李

璿舉人任戶部員外璣之侄淳弟

李

淳進士任山西布政司參議

孫

汝翼已未進士任通政司參議

高

光宗辛酉舉人任山西永寧州知州

仇

仁後衛人進士任監察御史

官

倫後衛人進士任雲南臨安知州

祝

文冕後衛人丙戌進士任邢部主事

祝

希哲後衛人丁卯舉人任穎上縣知縣

劉

餘澤丙戌舉人順天府學中

鄭

體元舉人

孔

廷謨癸卯舉人任右礫縣知縣

國朝

科目

客雲系

宋元一

二

楊

聲遠解元由山東登萊巡撫陞漕運總督

高

雲漢舉人任廣西右布政

高

溥壬午舉人任湖廣知縣

周

樸丙戌進士任山東陽信縣知縣

鄭

其心已丑進士任山東萊州府知府

趙

珩辛卯舉人

南

宮第丁酉舉人

高

躋丁酉舉人

武科

徐

維讓任密雲守備鎮撫

谷

九臯後衛人任參將

王

家卿甲戌進士任山西掌印都司

劉

自安未任

徐

永壽武舉任其肅掛印總兵加太子太保

邢

震武舉未任

陶

宗儀辛未進士任中前所副將死於職

翟

從義進士任和厘副將

陶

永光進士任河南領班都司

范

大韓辛未進士

陶宗舜 進士任鎮

朱猶龍 進士

田震雷 舉人

尹顯綸 癸未進士任文登道中軍

談國政 進士未仕

吳道泰 進士擢河中軍率兵進剿土賊被誘遇害

張棟梁 舉人任守備

張永清 進士任都司

國朝武科

童維祚 癸未進士任臨清遊擊

李 鑣 舉人任廣東前衛守備

田宗稷 丙戌進士任金山衛守備

歷年恩拔歲貢

孫 藹 任戶部郎中

李 廸 任高陞主簿

于 遠 未仕

盧 祥 任光祿寺署正

晉邑縣志

卷之十四

三

田 實 任南昌府知府

張 輔 任吏目

盧 用 任主簿

顧 詢 任縣丞

王 景 任金縣知縣

高 瑀 任涇陽知縣

龔 榮 任沂州判官

劉 琛 任縣丞

王 振 任富峪衛經歷

鄭 瑄 任韓城縣丞

韋 宏 任石泉縣丞

趙 珩 任陽城縣丞

玄 珪 任潁山縣知縣

王 鑄 任陝州判官

尹 通 任解州判官

蘇 震 任歸德府吏目

李 中 任騰驤衛經歷

王 寬 任沛縣主簿

高 林 任江陰縣丞

韋 清 任穀城主簿

蔡秘仕未

張榮任江西王

張文任文登縣丞

梅青任安樂縣吏目

孟貞

李政任澤州同知

楊鼎任陝西布政司執事

徐秉任南陽

黃廷棟任恩縣訓導

張暹任荊州照磨

鄭良任清苑縣丞

玄繡任江西府知事

王圯任登州府檢校

張爵任清州府知事

盧淵仕未

吳灌仕未

許能仕未

王佑任吏目

高鑑仕未

謝讓任吏目

寧遠縣志 卷之十四

劉貞任府知事

劉玘任鴻臚寺序班

范友任吏目

高鉞任全縣知縣

李傑

田朴任榆社縣丞

陶達任山西府教授

徐寶任浙江安縣縣丞

田浩任訓導

吳雄任訓導

徐延齡任教授

聶順任經歷

曹廣仕未

王瓚任縣丞

倪良任河南

田仁任壽陽縣主簿

孫填

趙昇任金華府知事

李寶任訓導

王鎰任訓導

張汝遷任教諭

蔡傑任山東萊州府照磨

田松任隴縣知縣

王以賢未仕翼之子

朱進未仕

劉鳳任山西縣訓導

李仕未仕滄之子

王蘆臣未仕

王以仁未仕

田栢任溫縣知縣

陶玠任延安府通判逵之侄

劉子龍任渾源州學正

劉萬里任濟南府學訓導

王南山任漂水縣丞

劉廷璠任密縣知縣

田杞任訓導

郭良翰

劉景榮任山東大嵩衛經歷

王汝俸任樂亭縣訓導

郭完任大原縣丞

密雲縣志 卷之十四

田桂任開封府教授

馬善任南州吏目

田柱任訓導

李沿未仕

杜讓任莊浪縣知縣

安仁任文水縣丞

王坤未仕

王良卿任知縣

陶鎧任延長縣知縣

焦柱任訓導

徐尙文未仕

田有慶任商水縣教諭

馬士驥任涑水縣訓導

王慎言任訓導

蕭文舉任教諭

徐可大任兵部職方司員外

何永嘉任通判

周光先任大名府教授

高居爵任肇慶府通判

李秀實任訓導

王雲鵬任訓導

杜幹達任河南左長史

龐汝慎任大名府訓導

李茂華

鄭登榮任任丘訓導

李鑄寶任湖廣黃岡知縣

高世榮任文登教諭

王志遠任萊州府教授

李日綦任莊浪知縣

王慎德任訓導

馬雲龍任滋縣縣丞

孔道昌任宿遷縣知縣

王慎思任杞縣縣丞

賀文魁任未仕

王瓊瑤任未仕

周景新任永平府教授

張敏政任江西安仁縣知縣

高世資任訓導

陳蓋任未仕

徐俟化任未仕

國朝

何其弘任長沙府同知

周懋臣任長山縣知縣

王君弼任天津訓導

何永晏任秦安知縣

王釐瓚任未仕

王燦任歐寧縣知縣

高天敘任未仕

向聖鳴任河澗府教授

夏敬宗任台州府通判

薛雲龍任清河訓導

王國胤任未仕

劉詡任德州同知

劉肇元任未仕

楊善高

王尚賓任未仕

龔作肅任未仕

王丕揚

杜琳

唐之義

曹文郁

歷年後衛恩拔歲貢

黃大經 未仕

祝昭 未仕

官雲 任壽元知縣

龔宗道 任渾源知州

毛紀 任肥城知縣

王儀 任寧海州判官

趙驪 任主簿

朱俊 任懷慶府檢校

袁忠 任雲蔚吏目

浦昇 任縣丞

高儀 任縣無知

盧信 任烏臺所吏目

林茂 任吏目

韓仁 任夏津縣丞

祝增 任邢部主事

鄧宗魯 任雲南知縣

各縣志

卷之十四

七

俞德 任長清知縣

谷聖 任充州判官

仇愈 任全州吏目

劉景暘 任大寧知縣

劉文明 任許州吏目

王潤 任同安知縣

方禮 任主簿

劉希賢 任主簿

韓崇福 任蘇州府同知

韓廷美 任仁和主簿

劉繼壽 任主簿

趙嘉訓 任主簿

王業 任樂昌知縣

韓廷明 任交城知縣

胡瓚 任通判

張全

閻大化 任山西朔州學正

祝天佑

左桐 任山西浮山縣知縣

張舉

方秉倫 任城都縣主簿以軍功貢

杜思恭 任主簿以軍功貢

張尙文 任主簿

祝欽昊

唐時雍

劉天胤

賈和

胡潤

趙應時 任山東檀城縣丞

趙梁 任山東武城知縣

王應魁 任山東文登知縣

馬天俸

梁廷輔 任主簿

龔先進 任鳳陽府通判

胡士魁 任知縣

倪之穆 任六合知縣

張國勲 任山西太平知縣

方贊 未仕

柳二惠 任訓導

邵大成 未仕

密雲縣志

卷之十四

八

龔翼明 任戶部員外

國朝

龔蕃錫 任徽州知府

徐有德 任知縣

張國隆 任海州同知

韓國隆 任山東東昌府莊平縣知縣

張國猷 任翰林院孔目

邵殿邦 任福建知縣

婁聚魁 任雲南和曲州知州

王純 任福建寧縣丞

劉天一

馬方伸 任靜海訓導

許維新

王廷棟

高第

馬應獬 未仕

徐成已 未仕

楊遵魁

李桂芳

任四川保寧府蒼溪知縣

吳仕傑

監生楊勇健

古之取士以行今之取士以言古之立言以孚行
今之制行以諄言古諺曰舉秀才不知書察孝廉
父別居故言行之際不可不慎也

密雲縣志卷之十五

人事志

名宦

自古寄愛其棠西漢首傳循吏後世宗之君子奉職循理體國卹民惟官守是務非以爲名高也乃其間有以道經治以勞定民以死勤事以忠去國者則特書而表異之用以崇報云爾故設官分職雖有崇卑而承流宣化則無先後能行君之令以致之民卽一命之士莫不有令聞也不則擁高資食厚祿而悠忽以終身者惡能爲有無哉志名宦

密雲縣志

卷之十五

一

漢

李廣

漢人戰守有功武帝拜爲右北平太守敬人號曰飛虎將軍萬曆六年知縣張世則

申請

祠祀

吳漢

爲安樂令屬漁陽聞光武賢數欲歸附乃說漁陽太守彭寵寵遣漢而南及光武于

廣河拜漢爲偏將軍由此

漁陽安樂俱從光武矣

郭仍

光武時漁陽太守時群黎遭莽亂又重彭寵之敗民多猾惡爲盜仍示以恩信

賊消敗安樂等

縣戶口倍增

張堪

爲漁陽太守捕擊猾奸賞罰必信開荒田勸農桑以致富饒百姓歌曰桑無枯枝麥

秀兩岐張公爲政樂不可

支視事八年境內安堵

唐

李保忠

有功民社
卒贈太保

韋宏機

顯度中檀州刺史修理學宮教勸生徒
中由是大化萬曆六年知縣張世則申

祠祀

五代

李瓊

周安州防禦使治郡
寬簡民立碑頌其德

邊思退

幽薊人爲檀州刺史子歸汙弱冠以才名
世仕周歷禮刑兵戶侍郎世宗聞其賢擢

尙書右丞樞密直學士宋初以戶部尙書
致仕萬曆六年知縣張世則申請祠祀

宋

楊業

善戰號無敵屢建大功歿於陳家谷民思
其忠立祠至今祀之東坡有詩焉萬曆六

年知縣張世
則申請祠祀

晉書

卷之五

二

黃友

爲檀州州判會金人敗盟郭藥師以長勝
軍叛燕市嚮應友獨領數千人與戰躬冒

矢石裂唇齒欽宗召見稱嘆之資予甚
厚萬曆六年知縣張世則申請祠祀

元

張素羽

楊璉

割俸重修
學宮

聶守節

任檀州知州修理學宮勸課
農桑士淳民朴風俗丕變

明

徐達

自山海至密雲鱗次建
關營堡寨以爲內邊

常遇春

統兵至密雲古北口命
指揮張斌建武成王廟

唐忠

洪武五年任密雲縣知縣廉以律已慈以
撫衆在任無赫赫之威去後有緇緇之慕

謝彥文

洪武十一年任密雲知縣存心公恕待下慈祥興修縣治政令維新

邢良

正德六年任密雲知縣存心廉介處事祥明催科行撫字之仁讞獄動哀矜之念太

後百姓思之

朱鳳儀

嘉靖八年任知縣勤課農桑均平徭役刑賞得宜奸猾斂跡萬曆六年知縣張世則

申請祠祀

按徐常爲先代元勲其功德流布九宇似不可以

一邑槩之第甘棠之思召伯峴山之慕羊叔子其

過化之蹟當爲邑侯作貫玉耳秩之文武位之崇

卑非所計也

密雲縣志卷之十六

人事志

鄉賢

堪輿函紘山川融峙人得其靈秀之氣以有生故
十室之邑必有忠信在溥海以內皆然矧密雲山
峻厲而水清澈故稟其氣食其土者多慷慨悲歌
之士而醇謹篤實者亦不少概見焉語云松柏不
生埤言瑰材之產有地也然此豈誠得之風土哉
蓋緣密邇神京講學古文亦道化之漸摩使然
耳其間跡海數奇而泐沒罔聞者何限今據其可

密雲縣志

卷之十六

考而知者已章章有令聞矣志鄉賢

漢

蓋延

要陽人同安樂令吳漢歸光武拜虎牙將

圖雲臺萬曆六年知縣張世可申請祠祀

王梁

要陽人初為郡吏時安樂令吳漢會漁陽太守歸光武時彭寵以梁守狐奴令梁與

蓋延將兵從光武拜偏將軍後擢太司空擊赤眉有功入拜河南尹封高阜城侯萬曆六年知縣張世則申請祠祀

趙玉

漁陽人嘗客滄州劉守光破滄州盡戮呂亮親屬宛子琦年十四玉負之以逃琦仕

後唐至兵部侍郎當燕趙間以玉能存呂氏之孤翁然稱之萬曆六年知縣張世則申請祠祀

賈禹鈞

盛德懿行筆不勝書其載在國史者入

本傳未竟
若松附之
請祠祀

入

程普北平土垠人初為州郡吏有容貌計略善應對後從孫堅出征堅卒從孫策拔廬江送為吳郡都尉遷零陵太守策卒輔孫權有功官至盪寇將軍子封高密侯

元

楊佑武略將軍世家提督通

趙伯敬密雲人至順間為薊州知州守已以禮居官以廉撫下以仁首修文廟以興教化萬

曆六年知縣張世則申請祠祀

明

李璣遠西里人由鄉舉任光祿寺典簿為嚴正

淳李滄俱登科第弘治三年有司奏旌其門曰五世同居坊萬曆六年知縣張世則申請祠祀

劉萬里本縣廩生與友人誦鏞交善嘉靖一十九年遭兵變鏞舉家遇害遺幼子緒萬里牧

密雲縣志

卷之十六

二

養之稍長教以詩書又為姻娶緒勵學補弟子員鄉人高其行萬曆六年知縣張世則申請祠祀

田仁遠西里人嘉靖癸卯年歲貢授山西壽陽縣主簿器宇端凝操履純正居鄉教讀務

以誘進後學為事不計束修人稱為古君子

成仁本縣人竭力事親永樂二年立孝友坊

劉經洪武年以功陞北平都司鎮守密雲賜寶劔二十四口銅牌二十四面成祖起兵經

抗節不從及兵臨城有要功獻城者經墜井不死成祖獲而釋之仍賜蟒王以旌其節上臨御求經

大用經已死矣賜祭錄其子孫

張斌直隸合肥人洪武間累官都指揮僉事創建衛所修築城池尋以征進失利被敵獲

之不屈死子麟襲陞陝西都指揮使鎮守寧夏

王榮直隸潁上縣人密雲中衛指揮天順年充密雲鎮守總兵撫軍以恩御將以威遇有

大敵

兵拒戰屢獲奇功又於要害處增備坑塹
釘盤

劉

祀威靈廟

張繼

密雲後衛指揮同知任潮河川舊營把總
嘉靖二十九年公率兵迎敵挺身拒戰斬

獲甚多力不敵死事
聞加陞指揮使

劉志高

密雲後衛千戶古北營管操嘉靖二十九
年敵兵入犯由古北口回高率衆拒阻斬

獲甚多力不敵死
事聞贈指揮同知

劉臣

牟滋王昇郭祥梁王

五人俱係千百戶等官
以死事從祀忠義祠

龔先進

字彬庵古檀後衛人柳筆先生之曾孫也
居鄉愿恪以孝友著名萬曆戊寅拔入太

學初授浙江湖州府別駕時郡頻歲陽侯爲虐
沒民廬舍進設法濟渡民幸而不爲魚鱉丁外艱
回籍服闋補大同府通判署懷仁縣境內荒旱饑
民刮樹皮掃艸籽爲食肆市皆罷幾有脫巾之變
進爲發倉廩俸征徭民賴以安齋心步禱甘霖沾
足因忤權貴左遷陝西布政司報事秩滿復補四
川重慶府通判蜀地僻陋訟牒盈牒公禮義好爭
聞爲之建學明倫諭以忠孝節義暇則舉行鄉約
法存問耆年由是窮鄉僻域咸蒸仁向化矣中丞
御史及直指使悉多其績會以母艱終制既補鳳
陽通判惟推誠布信見者不忍欺郡多水地勸民
通水利濬溝洫桑麻樹畜靡不周諮其屬邑漕米
公之職守在焉惟以德義勸諭不忍加以刑錄是
頑猾者多逋賦督糧考核逾限方議嚴懲民聞之
恐失慈父母互相鼓舞爭輸及殿最反在諸郡邑
先且賦性端方不樂曳裾解印屨里杜門讀史
不事奔競憲司邑侯皆慕其品每造室而諮以利
弊惟據理陳復語不及私處鄉黨雖寒微卑幼接
之以禮鄉隣交德焉壽八十三而卒聞者莫不泣
下子翼明任戶部員外孫蕃錫任新安太守

孔廷謨

字心禹密雲人少事親孝親偶有恙輒食

登鄉荐因親老多病恐違其旨不仕及父歿值歲
凶家貧母無所養始登仕籍奉母之任事無大小
咸稟母命而行見母憂色侍立不敢坐或跪請其
故必期慰母心而後已及母卒謨年逾耳順其哀
痛之情無殊孩赤爲諸生時以理學自期著經書
講意羽翼聖道因貧不能梓迨出宰石埭發奸不
事鈞甯折獄必以情有貧而逋賦者寧捐俸代完
不忍獻朴惟不附權閹竟遷杭州府教授石民不
忍釋時輟攀轅者遶道抵抗勤考課而束修不較
敦實行而浮靡是黜制藝法歸唐書理本程朱江
左名士多出其門及解綬歸里閉戶訓子鄉隣皆
稱爲五柳先生邑人高世資有贊曰公之坦衷蕩
蕩平公之遂養隱豹潛麟公之自靖洞洞空空
公之接人玄黃太羹早荐賢書絳帳羅英泰山樛
木遐邇馳聲其敷教在武林虎丘之側其敷政在
江許而首歷齊東有美三維摩趾鳳翎仲氏續貂
早譽承明昭前四世濟美崢嶸邑人王燦贊曰魏
闡竊政寮案驚魂慕公德望羅致維殷溫語相招

密雲縣志

卷之十六

抗直不從長子道明任守備次子

道昌任宿遷令三子道醇庠生

唐文運

本縣生員于崇禎十七年三月十九日聞
流寇破京崇禎有煤山之變四月十一日

飲酖
而卒

邑之有志猶國之有史所以旌賢良表方正也自

前志迄今九十七年間爲忠孝節義者固不乏人

今得孚輿論重鄉評者僅二人焉其泯沒而不彰

者豈少也哉蓋緣無文可徵無獻可詢耳非操觚

者之刻一女婦長深閨無問學乃有正色端操守

節整齊然不挾其志表而載之豈特可以風笄

禕之流八亦當悚然興起矣志節烈

蕭氏

年二十一歲夫死剪髮垢而誓不再嫁孝養翁姑三十餘年事聞旌其門月給米一石

王氏

東智里人周望妻年二十歲望疾不起婦

絕周氏後吾死亦無憾矣王氏泣許之時年飢多盜傭賃求食以養其子教以讀書長充本庠第十

員正統四年巡按奏旌其門壽九十終

姜氏

李相妻相於嘉靖十八年故姜年二十七歲公姑在堂子鳳先五歲姜矢志孝公姑

撫鳳先成立後以壽終萬曆六年知縣張世則申請表揚

王氏

後衛前所千戶孟玉妻日事姑舅克勤克慎每食餘輒請所與終姑舅身鄉人稱頌

鄧氏

後衛軍餘賈陸妻弘治二年陸死鄧年十二子方一歲餘誓守節撫子成立鄉評

無玷

江氏

後衛優等生員祝昭妻昭病篤囑江曰我死爾善撫幼子增以存我祀江泣諾昭尋

客雲集志

卷之十六

五

卒江攻苦食貧日事績紡以教增讀書遂應貢官刑部主事

趙氏

後衛左所百戶項潮妻正德辛未歲潮死趙年十九歲無嗣誓死不嫁以終其身

汪氏

後衛右所千戶谷昂妻正德戊寅昂死汪年二十一子珣方歲餘汪勵節撫珣成立

仇氏

典州右屯衛百戶沈鳳妻嘉靖丙子鳳守邊寨賊入破寨擄氏欲辱之氏罵賊而死

倪氏

馬氏

拔貢邵大成妻大成卒氏方二十四歲成疾篤氏焚香默祝願以身代及夫死氏欲

自縊者再三姑與親隣防之者眾翁與姑諭以撫孤大義氏始就食事公姑撫二子克盡厥道長子

興邦為湖廣道州守備次子殿邦為英德縣令知縣趙弘化申請立坊旌表

閻氏

前封淑人係故生員閻充裕之女前贈鎮國將軍陶宗儀之室宗儀於癸未十月殉

難遼東前屯衛氏聞難慘怛誓以身殉親族勉以垂暮公姑齡孩子女氏迫於眾議堅志守節時年

二十七也奉養公姑生事菽水沒盡塋斂始終備禮貞孝性成勤儉訓後二子俱獲成立於康熙七年逝

世
高氏 故民李繼祖妻夫死氏跪伏柩前不食日夜號哭勸者閉目不語七日而卒本縣申

請建坊旌表

張氏 本縣戶部里人王鴻業妻業卒氏年二十四長子三歲次子遺腹所生家貧無資績紡自給時或採薇咽糠而終無怨言苦節五十餘年闔邑共賢之公舉於憲司王公諱則堯給匾玉骨冰清四字以旌其節

張氏 本縣民陶大倫妻倫死氏年十九子方一歲立志守節族人利其產逼氏改嫁氏欲自縊以明志異議寢息年八十卒本縣申請立坊於本庄旌表

何氏 故生員田邦需妻夫死氏年二十歲止生一女公姑恐氏年幼不能守婉言勸其改

客雲縣志

卷之十六

六

嫁氏遂剪髮毀容以明志及後事公姑撫養幼女各盡其道壽七十八歲卒士民里老公舉

胡氏 故生員唐禪虞妻十七歲為唐婦有前妻生子文星逾歲夫歿氏悲痛欲自縊以殉家人覺而救之親隣諭以撫孤大義氏方勉治家事族人

有六

張氏 故生員楊其善妻生二女一子天死年二十九歲栢舟立節兩髦矢志上奉公姑下

撫孤幼家無担石不以貧苦易念賦性峻厲庭戶肅然公歿與叙賣衣為殯哀痛盡情鄉隣共知

侯氏 故生員彭名士妻克盡婦道內則無愆夫亡氏立志守節子幼家寒惡侄彭緯利產

逼嫁氏以死自矢百難交推貞操不二訓子彭績入泮苦節五十餘年闔邑共稱其賢年八十一歲卒

侯氏 故武學生員高若華妻夫死已生二子遺腹生一子富夫病篤氏焚香默祝願以身

代明末飢饉家貧無養數至絕糧茹荼咽糠終無
怨言或有勸其違人者氏以死自矢萬苦交集一
貞不改壽七
十三歲卒

楊氏 故生員褚文錦妻也幼執婦道孝事公姑
夫病奉湯煎藥衣不解帶者兩閱月夫歿
氏年方廿二拊柩痛哭不進飲食誓死以殉時公
姑年皆垂暮子尚襁褓氏兩兄暨諸親鄰勸以事
親撫孤大義氏廼就食子元善甫總角即為延師
授業年十七入鄉學足跡不出戶庭苦節水操四
十餘年閭邑士庶嘉兵
其節公舉以旌焉

明

附義民

劉啓元 生員 王 倉 鄉耆 王 度 生員 劉士登

劉自仁 蔡士迎 鄭有卿

客雲縣志

卷之十六

七

元倉等居十引義慷慨賑人不瞻鄉隣交德之萬
曆乙卯歲飢斗粟千錢流離者載道元倉等七人
捐米煮粥全活者不可以數計邑當潮白兩河之
衝居民有漂蕩憂元倉等又捐資築壩以禦水患
間有逋賦不能納貧不能葬者悉有以周之以至
橋梁道路廟祠及令長俎豆之宮咸與有賴焉時
邑侯徐光前尹同舉相繼申請建牌於縣署前以
誌其功且旌善人

國朝

善人杜秉忠據三學士員十一里老人公舉忠明

季爲古北路千總 都憲維楊王公多其勤勞提
授守戎忠雅志狷介不慕榮顯屢辭解任性仁孝
好施捨順治壬辰暨乙未饒饑頻仍流離載道忠
捐米一捨粥於隆興寺再捨粥於三官廟全活饒
民甚衆大司徒巴公大司馬梁公本縣邑侯馮君
皆給扁以旌其義間有逋賦而陷囹圄者有負債
而累及子女者輒代爲償還而折其券邑令劉君
重修文廟忠捐資相助功在學校且施藥餌以濟
貧乏捨棺木以澤枯骨修橋梁以利行人處鄉隣
而卑牧自抑育猶子而恩義兼隆有善若此允宜

誌之以爲世道勸

節與善之爲德也其極貫三靈包萬象而用之至
近則庸德焉貞婦與善人值此亦自視爲分內事
原不爲標名掠名而然自宰世者被之圖篆用存
旌勸益欲表寔德以維風化操觚者亦求慊清夜
而盾天目詎爲競名辭寔者覲耶

密雲縣志卷之十七

人事志

仙釋

仙釋之流無時無地不有雖于化民之要判不相
關顧以其竊造物之精足以駭人聽聞世之匿名
滅景者常歸焉卽不謂三十六帝之外豈不猶愈
於竭神儆形顧與草木同腐朽者乎志仙釋

梅志仙

檀州人戒行嚴峻修道黑山三十餘年遂
能出神遊郡國人莫能測居有無根栢樹
一株使其徒栽之立見茂盛常卧石間淡辰不食
虎馴擾其側年九十餘端坐而逝有人在他郡見
者知其
仙化云

密雲縣志

卷之十七

張道寬

安州人幼爲農家子天性至孝早歲嬰惡
疾幾殆夜夢數偉人衣冠肅然教以符水
神咒遂通醫救民疾厄東平王有瘍生體中衆醫
治莫效召道寬往治以符水數日愈仙舉後立廟
呼奴山元封爲
慈濟張真人

赤肚子

不知何許人嘉靖間來縣行乞於市夜則
投人簷下宿不食不語後往往抵人家執
炊其家卽盛人斲異之爭相迎致大學士夏公言
有所遺書并賜以香帛後人爲立菴夏公題曰
師後稍稍言某年
月口化云

方術緇黃者流固無當於君子之道然其中亦必
有可觀者焉而於物亦或有所濟倘以其不經而
棄之則隘矣故併及之

密雲縣志卷之十八

人事志

藝文 詩

詩工於唐詞盛於宋這後世詩道振而詞道闕者
蓋詞不過被之樂府以成宮商已耳惟詩則感發
於忠孝或憑弔乎古今或蘭臺石室所借以箴規
者皆是也詩之有裨於風俗治化者豈淺鮮哉故
志藝文而首詩章

巡視古北

整飭霸昌道長白耿繼先

立馬邊城瞰遠村大荒日落戰雲昏屯軍半藉山爲屋河

客雲集示

卷之十八

水終煩石作門祠歷千秋空舊額碑留一線是中原獨疑
虎豹當關險宵析初嚴盡掩門

楊令公祠

定議全師次應州護軍中阻援兵留也知子愛無生望但
說君恩不易酬兩代褒封賒廟貌時已將傾圮余倡首趙令謀重葺之數家
雞黍自春秋琯弓倒掛英風在時向沙塲發遠愁

楊令公祠

福唐朱廷鼎

破落荒祠倚北門儼然位次姓名存身經百戰誇無敵世

濟孤忠答至尊窮谷不辭軍將忌陰風猶褫契丹魂

居民相傳

祠內飛矢時時射出境外爲拾得者送還云

躊躇爲問碑中字颼颼塵沙眼易

昏

宿石匣僧舍

一番風雨客衣單，策蹇空歌行路難。
城影參差烟樹隱，鐘聲斷續夕陽殘。
人隨僧定燈應寂，劍護龍眠匣自寒。
悔盡勞生尋遠夢，可堪盡角更無端。

登中丞署題文昌閣

舊署荒煙裏，危樓此獨看。
沙田飛隼急，獵野塞雲寒。
燕谷開青嶂，邊峰息白檀。
風塵人事異，感慨罷憑闌。

友月亭

常山梁清標

我愛茲亭好，能留宿莽間。
巡行池委曲，如聽水潺湲。
障列

客雲系

朱之十人

二

漁陽戍門迎黍谷，山年年踈柳發白。
傷書橋灣

密雲督府夙稱壯麗，先王父曾建節於此。
余奉

使過之，止存頽垣敗壁而已。徘徊移時，不禁泣然。因賦

三律以誌感愴

先人開府地，今日我重來。
勛業留殘碣，樓臺付劫灰。
松堙石洞老，日暮野禽哀。
賜履羣公重，徒傳濟世才。

其二

幕府餘荆棘，低回倍黯然。
連營屯勁旅，百戰控雄邊。
歲月苔痕蝕，風霾虎窟穿。
白頭諸父老，指畫說當年。

其三

左輔金湯壯巋然故址存風煙臨碣石鳥雀靜轅門吹角
邊城肅鳴珂將相尊百年思祖德瞻顧愧曾孫

偕芳谷年兄遊石盆谷龍潭 皖桐方大任

辛苦征途興不窮從君連轡扣龍宮層峰壯壓邊塵斷幽
洞深涵海脉通。蜃氣冥象生杖底虹光隱納見雲中酣來
長嘯麾諸部鼓吹齊喧萬壑風

龍潭

密雲兵備斗間許如蘭

驅車來訪到龍潭石上青苔砌小庵爽氣遶筵猶帶露危
旌隱日自生嵐人依玉樹妖塵遠魄濯冰壺酒陣酣彷彿
龍光歸杖履驪珠應許共君探

密雲縣志

卷之十八

石匣探奇亭

總督閻鳴泰

萬山磅礴擁神京誰置琅玕鎮北平天險孕苞應有意地
靈呵護豈無名未經禹鑿玄工秘不逐秦鞭寶氣橫奇勝
莫言多幻化長留玉壘壯金城

巡邊回鎮

總督許綸

春禽嘒嘒艸淒淒。路入檀州馬亂嘶。童僕浪傳家已到那
知猶在洛陽西。

謁白馬關遇雨

總督楊選

峻嶒石徑黑雲遮。電雨風驅阻使車。乍聽高岡林墮葉。卽
看曲澗浪生花。豺狐入窟渾無跡。將校空山未有家。頃刻

遙天烟霧散萬峰蒼翠亦堪誇

登霧靈山

楊選

蒸蒸嵐起疑生霧。窅窅山深若有靈。迴合岡巒懸削片玲瓏。澗壑刻修櫺。風傳山鬼夜噴雨。雲送天仙晝採苓。聞道絕巔松檜裏。遺踪猶有練師亭。

登霧靈山

總督劉應節

山盤大漠鬱蒼蒼。爲問虛踪到上方。天地三千開世界。華夷萬里見封疆。芙蓉半插青雲色。簷笏時飛花雨香。身在招提猶是幻。皈依靜處法中王。

觀石匣

巡撫王六用

客書縣志

卷之十人

四

昔人藏劍處石匣入雲根。萬里妖氛定千年靈氣存。斗文能自蔽霜刃。復誰論防護。憑神力常留鎮北門。

登霧靈山

副使劉效祖

風雨嚴寒獨倚樓。振衣如在霧靈頭。芙蓉秋色千尋起。檜栢晴光萬里收。都護只應銷玉帳。朝廷見說固金甌。不知經略頻年客。誰是關西定遠侯。

飲塞上洞

劉效祖

山色崢嶸古洞幽。風煙萬里望中收。振衣人在青霄上。把酒春回大漠頭。禹貢已通西宛馬。漢家新建朔方樓。樽前壯氣頻看劍。投筆何如定遠侯。

○石塘嶺鸚鵡崖

劉效祖

原是關西鳥，何因塞北看。
千年留勝跡，萬里恣飛翰。
影落金塘絕，光生玉壁寒。
從軍有隴客，只恐報書難。

薊門懷古

前人咏

光弼功成節度時，凌烟閣上寫臨淄。
可憐推轂同升者，誰似當年郭子儀。

縹緲寒雲鎖白檀，烽烟咫尺隔烏桓。
柳城都護今誰是，休使威名說老瞞。

北平太守數雖奇，成敗由來事可疑。
飛將若教名尚在，封侯何必自家知。

卷之十

五

贈吳制臺

豫章石啓名

鐵騎千羣匝地來，巖關不守大旗摧。
黃沙邊月烽烟黯，紫塞征雲畫角哀。
銅柱未銘平遠績，將星先隕濟川才。
而今憑弔當年事，立盡斜陽不忍回。

十日密撫途中有感

遵化巡撫宋權

馬上清明見杏開，春山茱萸翠蒼苔。
飢軍滿眼愁空灶，艷景無情酌酒杯。
薊道烽烟頻過往，檀雲節鉞半疑猜。
遵陽父老若相問，昨日監軍今又來。

聖水鳴琴

計部主政陸騰駿

龍泉山水涓涓考，古標名得聖傳好。
憶知音同彼美高。

山流水聽如絃

冶塔山燈

邑令晉陽趙弘化

巍峩塔勢枕秦關碧水清幽石洞閒聞道仙翁曾寄跡夜
懸藜火照人間

聖水鳴琴

趙弘化

翠壁懸崖曲檻間流泉危石咽潺湲細聞天籟傳元韵似
搏南薰指下絃

遊白雲山

邑人張國猷

恨不身同燕子輕高飛直與白雲平援枝覓果猿分食逐
響窮泉鶴並羨已信清閒惟我占誰知受用被僧爭夜來

零雲縣志

卷之十八

六

得共禪床夢劈破愁山幾萬程

石塘嶺鸚鵡崖

邑人王廷棟

層巖如畫裏鸚鵡踞高巔色借苔痕綠言隨風籟傳曝翎
常近日鼓翼待衝天仰止千厓在凌雲半穴仙

霞峰散彩

後學向時鳴

五色繽紛碧落間寶華千縷細如烟昭回雲漢奇光麗天
地文章足大觀

題長春谷卽昔鄒衍吹律處

後學王大任

杏雨梨雲日正和山泉裂石盡鳴珂自從寒谷回暄後幾
見春光別處過

九月登黍谷山

後學杜琳

唯愛山光好誰言著屐難峰高來月小霜重染楓丹古栢
蒼藤合清泉白石寒寺荒鍾磬杳漏盡不知闌

獨坐聞鴈

後學石星

嘹嘹歸鴈不堪聞几對南窓日已曛寂寞書齋人不到欲
將心事託閒雲

遊桃花谷

後學孔法祖

好景迎人媚行行目未停波光明作練山色翠爲屏鳥語
雲中樹魚掀水上萍多情收不盡留說與丹青

贈陶將軍詩

邑人王釐贊

密雲縣志

卷之十八

七

一木難將傾厦支文山儿自歎興尸危城効死占餘勇殘
壘孤兵泣濟師冑著魚門稱壯士身藏馬革是男兒更憐
弟侄皆從難不媿田橫薤露詞

烈女盧氏贊

古今烈女傳千載稱羅敷羅敷雖可傳自解爲有夫豈若
彼姝子母婺女幼孤母操稟霜雪女貌賦雲荼庶幾得所
歸反哺報慈烏一旦崑岡炎玉石燼無殊運蹇值兇暴勢
壓欲歡娛烈女獨自奮顧母長哀呼伉儷非媒妁有生不
如無懼彼白壁玷其碎明月珠一室雙雉經行道爲心割
嗟哉貞烈女綱常賴爾扶

密雲縣志卷之十八

藝文

今之記事述言者必托之辭章以畢顛末顧其方識非一致是以結撰有多岐要之事可以備攷問言可以資興起卽工拙無論也故凡遺文逸事古篆殘碑述往昭來難以類附者亦併輯而存之志藝文

水谷霞峰觀延佑五年長春宮三洞講經師王道亨記略云檀州北有水谷其水出乾維山谷間東與白水合中有霞峰觀國初李尊師結菴茲地弟子魏志和史志端李道純同師居之力事營造已又得楊道

勉劉道本共成之爲玉帝一殿五真靈官二堂丈室賓寮焚房散舍以次而具年且久遠起焚而新之因狀前後修爲事將載之石因賡以辭云○又石記幽州白檀羣北曰水谷袤延峰嶺林木森茂有宗師霍道隆宋延佑二年棲隱其間以勤力夷垣建道院一區爲焚修之地旣而道友王弘道協謀經營堂宇炳煥一新云霞峰觀主隱雲子李志寧跋○霞峰觀三教堂前古栢一株一本三幹森森冲霄皆合抱之材不知樹先而殿後亦不知樹後而殿先也相傳云此栢千有餘年亦古剎聖地也况中間丘長春李道純

皆於此飛昇理當載誌以永傳播

龍興寺重建成化十七年翰林院編修趙昂記略云
密雲古白檀郡龍興寺在唐初鄂國公尉遲敬德所
監造也寺之創始固久而中之興廢不一邊帥王公
崇重修之次第告成云○嘉靖元年太監許宣由甘
肅移鎮茲土捐貲重修邑人按察僉事李淳有記
武成王創修嘉靖四十四年兵備僉事張守中記略
云密雲城東北舊有武成王廟創自大元洪武五年
重修廟記武成王太公望正殿三楹兩廡各三楹守
房三楹董其事者乃原任總兵王繼祖指揮吳栢也
重修密雲驛嘉靖四十五年邑人刑部主事祝文冕
記畧云密雲驛洪武十一年建於南關感化坊歲久
傾圮嘉靖癸亥聞喜兵憲張公以更建爲已在增置
房數楹不三月告成仍定餼廩規例俾無踰額以蘇
征求之苦先民有言曰觀河洛者思禹功密之人安
知不以爲張公去思地乎

威靈廟在古北口北門外一里祀宋贈太尉大同軍節
度使楊公者也成化十八年禮部尙書周洪範記
明洪武八年太傅徐公達重建逮今百年日就傾圮
成化辛丑鎮守監丞許公常都指揮王公榮圖與重

韋請於朝勅賜今額令每歲從宜致祭既而遣人求筆其事於石按宋史本傳公諱業并州太原人幼倜儻任俠善騎射所向克捷國人號無敵太宗征太原公勸其主繼元降帝遣中使召見大喜寵以連帥授之兵柄會契丹入鴈門公領千騎自西京出至鴈門北口南向背擊之契丹大敗以功遷雲州觀察使自是契丹望見公旌旗卽引去雍熙三年大兵北征以忠武軍節度使潘美爲雲應路行營都部署命公副之連拔雲應寰朔四州詔遷其民於內地契丹復陷寰州公謂美曰朝廷令取諸州之民但領兵出大

石路先遣人密告雲朔州守將候大軍離代州日領雲州之衆先出我師次應州契丹必來拒卽令朔州民出城直入石碣谷遣強弩千人列於谷口以騎士援於中路則三州之衆保萬全矣護軍王侁阻其議欲趨鴈門北山中鼓行而往公曰不可此必敗之勢侁曰公素號無敵今逗撓不戰得非有他志乎公曰業非避死蓋時有未利徒令殺傷士卒而功不立今君責業以不當當爲諸公先將行泣謂美曰此行必不利因指陳家谷口曰諸君於此張步兵強弩爲左右翼以援俟轉戰至此以步兵夾擊救之

不然無遺類矣美與佻陣於公口後違約失援戰
自午至暮果至谷口望見無人即撫膺太息率領麾
下士力戰身被數十鎗猶手刃數百人及身受重傷
不能進遂爲契丹所擒其子延玉死焉業因太息曰
上遇我厚期討賊捍邊以報而反爲姦臣所迫以敗
績乃不食三日死

重修文廟碑記

翰林修撰王思誠記略云孔子之道與天地準雖二
帝三王無以侔故歷代靡不尊崇爵號嚴飾祀典海
海內外莫不皆然況近者乎檀州漢白檀郡魏密雲

縣今爲畿內近地供億繁夥日不暇給其於文教疑
若未遑而爲州者能以飾廟興學爲務其知本哉州
舊有孔子廟燬於金季兵至元二十八年知州楊璉
等割俸緡卽州治東市民宅重構殿宇爲堂三楹兩
廡四楹以棲聖賢迄今五十載寢至傾圯至元六年
大原聶侯字用之由行唐尹管巡院使來守是州拜
謁祠下顧瞻荒陋慨然以修復自任退而謀諸監州
買住及同知伯顏判官崔克敬同詞一諾共割俸鈔
爲衆倡州中有好義者翕然出資以助於是斬木於
山陶甃於河鳩工不日悉撤其故堂崇其基宏其度

爲殿三楹葺兩廡增其楹爲六創神庖若大成門重
門齊舍仍以故堂廢材又爲築講堂及教官宅碑樓
共十三楹繪塑一新金碧煥耀視昔爲有加矣侯之
致力不惟是州爲然其在行唐亦新三皇孔子廟及
醫儒二學憲使李本曾刻詩於石以頌其德檀學
之興經營於三年之仲春再越莽而落成集賢學士
揭後斯監察御史崔帖木兒普化扁額於殿堂之上
聶侯又欲勒石以紀歲月命學正宋文佐以文爲請
遂爲書其始末系以詩其詩曰

白檀之區 昔爲邊隅 厥俗於荒 罔習於儒

今爲內甸 審邇神都 郡費攸設 文教斯敷
明明聶侯 說體敦書 瞻茲孔廟 湫隘庠踈
乃卽同官 載詢載謀 悉撤其故 恢宏其模
完敝益新 輪如煥如 泮庭殖殖 寧宇渠渠
有宅其師 有庇有徒 巍巍聖道 洋洋嘉謀
允迪惟哲 罔念則愚 嗟嗟士子 恃此居諸
學古入官 復厥性初 作與時偕 身與道俱
此惟聶侯 德化之濡 在漢文翁 異世同符
太史作頌 以永厥譽 爰告後政 勉循令圖

至正六年十月建記

重修文廟碑記

翰林院侍讀王希烈記略云密雲古漁陽郡地自漢迄宋視以邊鄙學政之修廢無考矣國朝建都燕薊密雲屬京兆且在京歸東郊而近士之起膠庠觀國光贊贊稱矣縣矣縣東北界邊故又爲薊遼總督暨兵備憲使之治所視他縣特重縣之興華大政兵憲實在之上自督府而下之縣縣令仰成而已密雲舊有學建於元之至元修於洪武之十一年今敝且圯兵憲大石張公甫至飾武備繕池政旣修舉見學宮缺狀慨然嘆曰我朝文治覃海隅迺首善之地而廢

隆若斯非所以令四方見也函白於總督大司馬帶川劉公議以克協方物揆事庀材鳩工一以節用養人爲本於是取材於石塘嶺諸山山越古北口外數十百里公以兵取之由潮河川筏以入以故工師得大木而官無採辦之費取力於軍士之番休者以故動大眾而民無丁夫之擾其他經費督府旣資以軍門之羨繕而地官尙書卽新所張公亦捐金爲助餘悉取諸公之祿入輔以罰鍰故百廢俱興而帑無銖錙之竭又簡叅軍之廉能者王廷範祝啓蒙暨官舍王鎮劉表以專司其事縣令邢君元徹時省厥成以

期底績由是正殿易以五楹而廟貌以嚴廟應各易以七楹而羣祀以秩啓聖之祠敬一之亭明倫之堂分教之齋昔所有者擴而新之名宦鄉賢之祠齋宿省牲之所藏書置器之庫昔所無者增而創之又鑿池爲泮而橋於其上高其櫺星正其戟門而學制遂大備經始於嘉靖乙丑三月朔日訖工於十月十日公旣協上下以落其成又率邑之才子弟數十人肄習其中公以時詣學講授經義宣布規條審人觀聽溢於學門學之官生將謀伐石紀事介鄉大夫龍潭孫公來徵文予辭弗獲予惟古者受成於學獻馘於

泮俎豆於軍旅脉理固相屬也故詩頌魯侯曰旣作泮宮淮夷攸服二公具文武之才握兵符之重而於學校獨加之意焉可謂知本矣矧其兵威素伸於塞外休暇常得於戎間故能取材於遐方借力於壯伍壯猷訐謨較然闕遠矣是惡可以無事抑予于變而慶審士之有造也夫三代之士莫盛於成周豈獨其學制之備哉蓋由文王壽考作人培養百年之久故在當時黨之正州之長鄉之大夫德行道藝皆身有之上者以身教而下者以躬行是以後世無及焉蓋自文翁治蜀遣蜀士來學長安蜀人化之有鄉塾風

蓋自武帝始詔郡縣立學教道之由上作也如此今
聖天子壽考作人同符周文多士漸涵化育四紀于
茲而又得夫德行道藝如二公者以振而育之則
近聖人之居若此其甚也則又非若蜀人被漢化之
遠且難者矣故予於是慶密士之有造也夫三物之
教布方策令士者視德行為迂儒以文藝爲捷徑故
雖名位顯於當時而德業忤於古人其所從來遠矣
密士慶於有造蓋亦反其本乎是惟二公興學之意
謹申告於多士 時

嘉靖四十五年秋八月望日記

密雲縣志

卷之十八

八

重修武學碑記

舜鄰尹公治密雲之三年政成伍美庶務畢舉首
學宮以教青衿多士彬彬顧化周太史玉繩爲之記
矣暇日有事於武學門以內茂草可掬也公乃更計
爽塏者鳩工庀材不煩民力而跂斯翼矢新棘色華
翬飛若大將登檀旌旗壁壘皆爲改觀焉羣材官職
張及世胄之子隸業其中而訓之以禮義申之以詩
書則公之慮更深遠矣密雲者古之漁陽郡也今日
爲

神京左臂軍旅雲屯什伍將校百騎射以固吾圉然人

不知兵何知有學孔子曰以不教民戰是謂棄之絳灌善文豈獨其債帥過也昔晉文公不謀元帥乎棘韋附注寧鮮君子而獨取於郤穀之悅禮義而敦詩書也卽如詩所云兕冒武天至可爲下城腹心夫禮義者心之宰忠信智勇所出而詩書則禮義之府也故少長有禮卒乘輯睦斷不出於瞋目超乘之費而棄繻繫組據鞍自請忠義之一激發然哉安有不遵法不都雅之名將而不拔幟舉旗築京觀而立功於城也者令疇昔不明于親上死之義破敵之與降敵也莫辨先登宵濟勇怯之莫分將士二三解體離心

而蒙矢石赴湯火無論管敢賊漢卽蒯門唐突之呼延綏辱師苟活豈非不教而棄之也哉故誦詩讀書講禮明義則知向背知向背則有勇無怯遇敵敢決臨難矢節忠臣良將於是焉出矣嗣是入武學者體公之心肄業及之且文且武如壁玉之不可汚當有卧不設席行不驟乘者何必戮揚干斬莊賈有力如虎乃爲武哉若鸛鷺魚麗前茅後勁兵法所載諸士子枕席過師常習之耳故不且論而余與公所願於桓桓熊罷如是而已矣是役也始於萬曆四十五年七月落成於四十六年五月王生得寓目焉于是乎

記公名同舉山西興縣人癸丑進士與余同舉者也
賜進士第文林郎順天府通州寶坻縣知縣潁川王則右
撰

重修武學記

檀邑素稱重鎮文教蒸蒸而多士之以武功著者亦
代不乏人蓋兩者皆賴有學以養成之也武廟舊設
文廟之西余初受事茲土瞻拜武成像一見頽廢敗
壁不蔽風雨心竊念之於是捐俸鳩工二三僚友亦
樂與有成朝夕督勸之不煩民力而廟貌聿新丹堊
再煥庶幾士慕鷹揚之風蔚然輩起或可由此以備

客雲集示

卷之十八

十

干城腹心之選云爾何敢侈其事以爲己功謹勒短
碣以望後之身典厥祀而加意作人者是爲記

文林郎知密雲縣事兼理古北等處抽分事務加一
級張懷琯謨

康熙五年歲次丙午夏四月旣朔之吉

真武廟重修弘治十年戶部員外胡士礪記略云密
雲城有真武廟相傳宣德間鎮守蔣貴等創造鎮守
太監楊友參將陳良臣漸加完飾羽士田道興請爲
記云

城隍廟重修正德二年兵備副使張璉記略云密雲

城隍祠道人劉道仙募化闔郡人重修邑尹馬琳李
彥成等先後修理落成請爲記云

忠義廟嘉靖丙申禮部右侍郎趙永侍御史豐材金
君奉

命巡視東北諸關仰體 皇上圖治盛心凡關寨險阻
將領忠邪軍士疾苦咸究於心賞罰興革以次振舉
人之畏威懷恩者悉以忠貞相期用是邊境晏然往
歲叅將魏侯祥死節於石塘豐村至其地曰魏侯死
矣冷列名祠猶夫生也邊之效死者豈獨一魏侯哉
使恩異於是則報功之典隳矣乃具疏上請擬以各

路郡建一廟將領肖像於中軍士列名兩廡歲秋叅
將往祀之

白雲觀碑大德八年集賢學士宋渤記略云真人張
霞卿弟子張道寬居順州之呼奴山道觀號白雲清
苦煉形精進肄業能符水救人大丞相東平王嘗有
瘍生體中衆醫用藥罔効道寬治以符水愈王大異
勞爲構觀云

檀州聖水泉萬曆四年按察副使劉效祖記環檀皆
山也山不出泉惟南十里麓有二泉相踰崖數尺匯
爲一流故稱聖水泉不知其誰實名之也泉邊多榛

莽不治里人飲牛浴吞直潢汗行潦視之耳北海劉
公關西楊公鉅鹿王公偶探其迹間謂定遠戚公曰
逝者如斯是不可爲濯纓地乎戚公唯唯乃謀之諸
郡使諸監司計工鳩材以屬裨將陳君伯樸陟山際
上下構亭疏二水環抱其間不匝月浸浸稱勝蹟矣

重修儒學記

泮宮者半於璧宮象璜也所以持情理性而積衆善
者也漢武威蜀郡彬彬儒雅一時稱盛而魏武下令
縣戶滿五百卽置校宮選鄉俊造而崇舉之唐倪若
水興州縣學廣勸生徒范忠宣營學田擇鄉之賢者

以教其人聽政之暇親至勸誘朱晦菴任同安兼學
事身率諸生規矩甚嚴勵以誠敬開以義理且爲學
如不及文以勸諭之古之賢者有邦國之寄則必以
得人才廣風化爲已任道固宜爾乎廬陵之言曰學
校王政之本致治之盛衰視其學之興廢宋興八十
有四年而天下之學始大立此建之說也南豐之言
曰當四方學廢之初有司之議固以謂學者人情之
所不樂及見此學之作在其廢學數年之後惟其令
之一唱曰四境之內響應而圖之此修之說也由殿
公之說建之如彼其難由曾之說修之如此其易而

吾以爲建之於未舉之先物力漸蕃而易集難固非難修之於旣廢之后人情積弛而難勉易亦未易要之宣德流化必自上始尤必自近始成均首善固其端本作則之地也

聖天子臨雍釋奠論道橫經發帑金親廟貌爲天下先而
又

下詔所在有司及時增葺一如法式然徃徃紛百千之耶許積歲月之經營增倍無多摧頽如故密雲咫尺

神京金湯重地其儒學歷百餘年而園橋壁水日就頽

維時昌密兵憲戴公巡歷至邑顧茂宰平六劉君言

曰學宮鞠爲茂草舉廢修墜蓋賢有司事也其留意焉因出筭金念金爲之倡時劉君蒞任甫匝月慨然身任其事謀諸紳士出清白之囊鳩登馮之役財無侈溢民不疲勞三閱月而宮廟煥然改觀可不謂敏焉抑予又重有感矣漁陽爲冀州屬邑其視儗宜最先而又等上谷危疆其觀成宜獨後劉侯顧易武健爲和平霽威嚴於愷悌其風俗日以醇其人文日以茂燕趙之慷慨胥化爲鄒魯之雍容此固脫劍而祀明堂建橐而敷文德之明驗也四海有截萬國來同其在斯乎蓋始之於戴公之倡屬成之於劉君之結

据兩堪誌盛矣且侯之新政翦稚莠植秀良課耕桑
除螟蟊麥岐之歌不在張君游治譜後闕宮有恤不
日斯成自非敬明其德曷克臻此樹人樹木其效果
孰弘多與樞部恪菴鄭公同諸紳士請予一言賡奚
斯之盛而壽賢侯作人之德於不衰因紀其盛於左
賜進士第正議大夫太子少保戶部左侍郎袁懋功撰
文

順治十七年庚子仲春上浣之吉

儒學新建魁星樓記

萬曆丁酉密雲縣儒學創樓於東南隅維時邑令康

侯實主之請子觀察使今巡撫延綏贊理軍務都察
院右都御史王大夫司餉戶部郎中今海防兵備叅
政兼副使梁大夫捐俸鳩材而博士洪霖金世高諸
生王志遠王胤德王曰來田慎思等咸承侯擘畫董
其役而觀厥成焉工始於己未年三月迄於丙申二
月樓成額之曰魁星樓則侯指也侯起齊魯間於文
學固天性而自寶坻徙密雲當務以文學飾吏治加
意棧樸顧檀士濟濟實有其文而邇年未睹聯翩賢
書望氣者或謂地脉使然宜有所興創以濬發其祥
侯低徊於黌宮之四履慨然曰是余責也夫乃按堪

輿家言相地法宜於巽方巽長發之位也相形法宜於特起樓高凡若干尺幾接雲漢傑構也相名法宜取象於魁魁在列宿中獨主文昌也按天官書曰斗魁戴匡六星曰文昌宮一曰上將二曰次將三曰貴相四曰司命五曰司中六曰司祿又曰魁下六星兩兩相北曰三能三能卽三台也三台在天主開德宣符用是後世以科目羅士與士以科目顯者皆徵靈侈於魁侯之建斯棟而籍是名也意在斯乎意在斯乎嘗聞通天地人之謂儒茲一役也得兆於地得象於天而漸得才於人三才合併幾以回造化而儲俊

又侯之通儒矣雖然謂方隅象緯之說果足憑乎則禪灶郭瑛或失之矣謂方隅象緯之說不足憑乎則卜洛定鼎已先之矣要以埏埴人羣陶鑄材品則必以教化爲主侯德教翔洽身爲師帥每於諸文學講說經義敦尚行誼卽不乞靈於地假化於天彬彬雅化當有興者而又藉茲樓以明示風勵鼓舞之意士自此雲蒸龍變弁冕制科蜚英鼎甲不可持養待哉夫興廢舉墜加意作人有司之責也上作而下無以應或應之以聲而實不中聲亦士之恥也士比肩學校而不與制科與無士等士比肩制科而不澤於道

德徒以榮名誇里閭亦與無士等諸文學其勉之
母安於確母競於靡通經學古務以離奧濶而肩焉
鉅三五之業增光庠序使過而數者曰某立德某立
功皆從茲奮躍者也庶士以實重地以人重乃爲不
負侯今日之意乎樓成諸生王慎思王曰來等叩余
而乞記因論次而授之使勒貞珉用張侯伐以告後
人俾毋忘焉王大夫名見賓山東歷城人甲戌進士
梁大夫名祖齡四川溫江人丙戌進士康侯名丕揚
山東陵縣人壬辰進士洪博士名霖雲兩鶴慶人辛
卯鄉進士金博士名士高遼東右衛人歲貢

賜進士出身翰林院編修秀水陳懿典撰

萬曆戊戌七月之吉

白檀書院記

檀陽書院者觀察使王公創也公始至檀謁禮殿前
諸生問檀故喟然曰士不舉於鄉三十年矣是不利
形家言宜別求所以養之者又越三載部使者蜀梁
公來視密餉相顧嘆息乃屬邑侯康令卜吉於巽地
易諸民貲取諸官煥然而館之東曰秋實西曰春華
其前爲堂稍進爲亭庖漏具焉嘉樹羅列花石映發
囂塵不入鳴鳥互應於是拔士之鼎者講誦游息乎

其中身自課之其後爲社學齋房以訓童子役不及民費不淹時邑人士欣欣向化焉康令雅與予善遺書俾爲記記曰爲天下者嘗患乎上有所求而下莫之能應也問物於土無則曰無卽產也弗良徒曰有之無慚焉問才而無之未有不慙然嘿者昔有而今無之猶可詞焉則又莫不前追後企庶几於一旦之復有嗚呼人才之重如此哉物雖可用用止於所用而已才之用於天下也甚公而其鄉若得而私之無則輕有則重遠施於國近染於家使賢者易爲善而不肖者恥爲惡若是者上之所求於鄉而鄉之所欲

應於上者也四海之大齊民之衆自身力於稅以社惟上之所須奔走而前莫不各効其所可用羣視而學之徵之以明一經而應都試者寥寥乎無有豈直其鄉之人之慚守土者固且爲之慙然矣夫物不必產於一有無通易雖遠且彌咸可使爲用士欲稱才而必曰是土也惡乎取之且夫朝夕之藉傳自千載咫尺之說行從萬里斯亦坐而足自廣矣而檀之士常拘僻守陋之爲患者何也師帥令長皆以其儻才自致於國家舉近畿要地而畀之固○天子所使流通教化以有濟無者也豐官誠不可卒遷因謀爲

社而業之猶之乎學也傳之習之優之游之俾不離朝夕耳目之間而自廣於千載萬里之外檀雖無材猶將崛起焉又况其底滯醞釀至於三十年之久哉自敵入古北以來檀於備武尤重諸君子乃汲汲于文事之爲振古稱得一士賢於長城甚矣文之爲武也凡文武之道有所徂則敝無所倡則靡土之曠也刈而樹之其穫十士之伏也爝而複之其氣百非有所易於其故而耳目不得不新心志不得不化宜必
有異才焉出而應上之求者檀不有寒峪乎王律一吹是生禾黍諸君子之爲吹律也大矣禾黍雖微厥

衛象介士厥德比君子士誠有志乎世卽所見無非經緯者檀人士得無意乎旦夕出而應上之求其庶幾有之以爲天下重而毋使鄉之人徒曰有之也王公見賓濟南人梁公祖齡溫江人康令丕揚陵縣人賜進士出身翰林院編修安漢黃輝謨

重修慶峰觀記

密雲之慶峰觀自元莫知其所創始蓋奉祀老君祠也昔之皓首童顏在周寔爲柱下史先聖從而問禮焉一見卽稱之爲猶龍今拜瞻其遺像仙風道骨宛然若在當時傳者謂出於劉鸞名手嗚呼微斯人其

殆不能模彷彿相肖如是也更越世代逮我○聖朝撫
運遂因之而不易隸之天師府以是觀爲之屬院焉
邑人咸崇尚敬信有人於靜夜見老翁乘轎雲蓋儀
從隊伍嚴整自外而入意以爲達官促至恐怖不能
近少焉往視之則寂然無所聞迺愕然大駭詰旦傳
播遠邇夫天人交感理有固然太上以此昭其靈異
則所以孔綏○皇祚洪佑天民者於此足徵當必使
之億萬年時和歲豐第以祠宇經久不無圯壞所賴
以修葺之者存乎人所恃以昭假之者存乎誠若觀
主劉養素君殫力可以言盡誠竭誠可以言事神前

此蓋修葺其祠宇矣土木之興已凡兩次經營辦治
完舊益新旁飭小殿所以虔從祀也前作大殿所以
奉○蒼穹也垂及二十餘稔歲至丙辰完者於是乎
缺矣新者於是乎舊矣君乃約已贏資合諸善信協
謀大作不殫勞費視前愈加工緻以故殿堂門廡煥
然改觀黝堊丹漆金碧交輝以厠庫則有次以棲止
則有舍百爾器用無不脩具是故可以綏靈神申嚴
祀延諸三十五稔而無虞養素君尤懼久而慢威無
以勸示同志願乞一言以貽不朽且以嗣葺之計望
諸後人予聞之晉人有言老莊名自然考諸九流道

與儒並傳其來遠矣清靜無爲謙柔恬順教務長生
仙藉云人人有箇神仙分蓋其淵源亦各有所本矣
詎能弗信也哉養素君出自貴族幼而病逃一旦憬
悟奮然離俗學道執弟子禮於嘉靖真人之徒田公
微機經集醫術法術科儀靡不精善固已得其所傳
遂斷絕嗜慾苦煉清修境內皆禮重焉縣令尹命掌
道會司印記閱歷既深修持益至由是名聞顯貴推
擢天師府贊教仍主是觀以俟進用平日濟人利物
抑又多矣方且留心祠宇敬恭明神至再至三靡有
退心必欲永諸無窮其設心若是則神必有以相之
矣他日道果大就誠非予之所能知者君諱志善緣
以夙尙因自謂之養素云

賜進士出身禮部右侍郎張文憲謨

嘉靖三十年歲次戊午仲春月吉日重立建造

重修古關聖廟萬曆己酉年翰林錢象坤記

儒者狃縛常見好持議論力排幽冥事卒罔敢有置
一喙於關壯繆洵知忠義之在人心企耿不滅卽千
百世前猶思共表其嶙峋而杼寫其赫靈亾如累葉
之所賢聖壯繆抑又可異焉凡忠臣義士畢命以殉
君父甚骨骸齏粉九死不移直瞬睫耳至天子光大

之上帝簡錄之生爲忠臣死爲天神千秋慕義無窮
崇廟巖巖骨旨鬯芬雖在深山邃谷侏儻椎結之鄉
靡弗金碧公顏而瞻禮之此何以故余益信人心即
天道非敢爲矯誣也檀州爲古北口間攷漢牒曹操
破烏丸於此公與漢賊不兩立惡得祀其所在唐貞
觀初年居氓謀建公祀世世俎豆修饗距明天順中
業爲鼎葺逮今百五十餘禩宮殿故制猶存而禮秩
缺然於是邑之荐紳耄老泊旅茲土者相與創橐庫
材僱工繪以丹漆而堂之上公儼然血食焉事竣丐
余爲記余謝不敏則謂壯繆丁漢步既蹶以亡命葬

聚帝支合徒於涿虎眇一世其卓綽震疊之緒遂成
鼎足所尤杰然者辯順逆明國賊而又於友誼睨于
古至讀其辭曹書曰日在天中心在人中日在天中
普照萬方心在人中不容一私及觀白馬之役報効
辭太直以死衛劉恩必不爲曹用此心之日皎烈如
丹嗚呼异也公沒於季漢滄桑數千年代有褒祀有
以後主追謚祀者曰壯繆侯有以趙宋封號祀者曰
武安王余嘗揣公生前日心未嘗須臾忘劉故繆者
中情見順之謂於公肝膽默合而且出劉謚得亡以
壯繆訢然自處而俗固以廟號王者不綦尊乎是亦

世顏公之熱腸也而姑以殉之于衆公英靈赫奕自
玉泉顯灼迄于明陰助神力響答如生勦蚩尤平播
孽數現空護法道家者流復奉崇之曰帝君乃言上
帝錄公忠魂位登天神理誠有之余益洵日無不昊
于天心無不懸于人今天帝所謂神公者政如日之
照臨而億萬人所爲祀公者政如心之拱命卽謂公
之廟貌與天亾極可也不也古今村叚頌豎之奔走
關壯繆疇敢謂其爲矯誣乎章子學文孫子國仁越
人也王子應時陶子鎧檀人也以新廟事乞余發公
志歸而磨之堅石鑱以示永永

城隍廟記

余家代以醫度世萬曆五六年間先人少師公挾青
囊遨遊薊門至檀館穀于丁生盤石家而道人董全
中少亦曾受業焉余以天啓丙寅總督茲地偶遇道
人述先人遺履甚悉且入室指先人坐榻大爲潸然
嗟嗟先人辭世十七載矣以舊遊之地遇舊所受業
之人撫今追昔能不依依道人煉性修真童顏鶴髮
德重一邑而盤石子鳴殿復言道入黃庭最精恨戎
馬倥傯中未得促膝而談耿耿可知異日心期與道
人爲五岳遊三山友其欲之乎先人號古菴因榜其

室曰思古且爲詩以志感云○偶入黃庭舍尋真話
舊遊報經曾問字皆捐憶前修丹鼎○雞犬青囊秘
斗牛須臾今古事何處覓浮丘

崇禎元年仲春朔日薊遼總督閻鳴泰題

龍潭

石匣之南兩山之間有龍居之傳者輒神其說余弗
信也丙寅之秋余以行邊登隄其上初入峽口突見
匹練從空而下卽已望而奇之及抵潭則石壁荷翻
浪花雪噴危磴澄泓俯之骨慄儼若有神物焉憑之
者再三焚祝動定杳然余遂結跏趺坐焚旛以香默

祝良久見波濤中似有恍惚往來狀左右曰龍也余
猶曰未然須之旋風忽起潭面見一白點如雀外許
盪漾層波之內定睛視之則龍頂上白也能身長尺
餘作老金黃色蜿蜒屈伸瞥然而匿旋復躍然而出
凡三出三沒愈視愈彰余始憬然信龍之爲真而傳
者之非妄也隨投之以果酌之以大爵者三其果復
逆流而上跳躍飛舞於驚濤急湍之間若弄珠然前
之骨慄而思者不覺神怡而暢左右縱觀咸驚希有
嗚呼龍真神矣哉潭邊石勢欹仄不可駐足又命盧
大將軍爲之石欄以定吾志而無眴吾目蓋吾寶身

其險遂不欲貽人以險我實遇其神遂思與天下共
遇其神從此和風甘雨以潤吾民輩○國祚於四維
永○聖壽於萬年龍之靈益亦娑迦羅之本願力而
阿耨達池之不思議功德也龍其肯我乎謹爲之長
言以志其勝○塞草蒙茸滿平野防秋射獵闌車馬
玉弩金鉏結陣雲敵人遠遁陰山下奇搜幽探歷漢
關丹梯紫邏徑圓還風蕭深林疑虎穴霞封絕澗有
龍山龍兮龍兮不可擾或隱或見或大小譬如一顆
牟尼珠隨方見色殊杳渺我行懸磴甚婆娑怒濤噴
薄濺琅玕浪花眼花爭鬪亂毛骨石骨豎芒寒須臾

心定凝真性寂照澄潭明月鏡有物蠕然出沈寥乍
浮乍沉游且泳人言卽此是真龍余亦貪看爲改容
一點泥丸忽迸玉向予若語口喁喁我聞真龍鞭赤
電霖雨蒼生天下遍胡爲泥蟠此淵中獨挹清光天
一片水不在深有龍靈危巒複嶂擁金屏選衛○帝
京同海嶽豈徒禱應轟雷霆噫嘻乎某公好龍見龍
走我見蜿蜒聲莫吼拂劍酣呼龍母來酌爾百七十
七龍一杯酒

天啓七年歲次丁卯季春朔日薊遼總督閻鳴泰識

檀故有大悲菴嘉靖戊子都尉京山侯崔公亮御史
中丞王公大用展創爲赤肚師居堂室齋廡軒敞宏
麗儼然一大叢林因改題曰棲真院大學士夏公言
多師神異嘗供禮之丁未夏公更題其門曰了師菴
至今以爲稱云師貫氏莫知誰何年齒亦不知幾甲
子正德壬申至檀不被不襦不冠不履弊毳蔽膝寒
暑自如故人呼爲赤肚師云常淵默跌坐棲邑人龔
氏簷楹間廷之戶內則掉頭不顧或遊行市中有時
入人家直抵皂下久之廼出其家卽昌懋若強之入
則不能初菴成亦弗居或時一至暮年方多嘗住凡

諸荐紳經漁陽衛者鮮檀叩之雖然竟日終不得一
語庚戌春語其弟子曰地將兵吾去矣遂絕數月餘
二月念五日解化諸衆子營塔藏蛻于東廊之隈有
築室於場者因名其室曰峪院隆慶己巳檀之族士
視菴宇年久就圯乃鳩工集財更爲經營之不數月
工告成募緣皆圓錫明道二比丘也越六禩事僧明
慧復營一堂聯佛宮奉觀音大士鄉都閭章君延康
鑿山骨以俟記明慧拜邑善士王子良臣黃子應元
謁余言其事余曰昔者康桑楚處畏壘之山三年而
畏壘大穰畏壘之民相與言曰庚桑子之始來吾酒

然異之今吾日計之而不足歲計之而有餘歲計之而
聖人乎子胡不相與尸而祝之社而稷之乎長豐之
民遂尸祝以勤俎豆師始至檀而檀人異之中人人
室而致人之床處檀幾四十禩而檀無邊警師解去
檀始多事蕭然稱煩費矣嗚呼師其佛耶仙耶抑庚
桑子之儔耶檀人德之不亦宜耶余方修邊志而采
郡邑風若師者誠不可泯故于其請不辭

萬曆三年歲次乙亥孟夏之吉兵備劉效祖謨

創修石匣倉記

嘉靖二十有五年歲丙午之秋東陲弗靖師旅載興

密雲縣志

卷之十八

三

少有儲積輒復委露良增司計之憂耳乃議處修復
倉廩惟石匣倉七間其龍慶古北二倉稱是大抵規
制類同而堅實牢密之功有加焉厥工告完勒之壁
石以紀歲

戶部主事鈞陽郭學書識